

16:06:2023

web : www.rashtriyakhbar.com

পুত্র আরিয়ান খানের মাদক মামলায় এবার নতুন করে মামলা দায়ের হল ভারতের অন্যতম জনপ্রিয় অভিনেতা শাহরুখ খানের বিরুদ্ধে। অভিযোগ, তিনি নিজের ছেলেকে বাঁচানোর জন্য ঘুষ দিয়েছিলেন তদন্তকারী অফিসার সমীর ওয়াংখেডেকে। তদন্তকারী অফিসার সমীর ওয়াংখেডের বিরুদ্ধে ঘুষ চাওয়ার অভিযোগ উঠেছিল আগেই। এখন জানা গিয়েছে, প্রাক্তন এনসিবি কর্তাকে সেই টাকা দিয়েছিলেন বলিউডের বাদশা নামে খ্যাত শাহরুখ খান। এরপরই তাঁর বিরুদ্ধে বহু হাইকোর্টে জনস্বার্থ মামলা দায়ের করা হয়। আগামী ২০ জুন এই মামলার শুনানি রয়েছে। ২০২১ সালের ২৮ অক্টোবর এনসিবির হাতে ধরা পড়েছিলেন আরিয়ান। অভিযোগ উঠেছিল যে, তাঁর কাছে মাদক ছিল। যদিও বর্তমানে সেই ড্রাগ মামলা থেকে মুক্তি পেয়েছেন শাহরুখপুত্র। অভিযোগ উঠেছিল, আরিয়ানকে বাঁচানোর জন্য এই মামলার তৎকালীন ভারপ্রাপ্ত এনসিবি কর্তা সমীর ওয়াংখেডেকে ৫০ লক্ষ টাকা ঘুষ চেয়েছিলেন। যার জন্য একাইআইআরও দায়ের হয়েছিল। এবার জানা গেল, শাহরুখ নাকি এরপর সমীর ওয়াংখেডেকে ঘুষ দিয়েও ছিলেন। বর্তমানে সেই অভিযোগেই তোলপাড় মুহূর্ত।

বাজার দ্রু
SESENSE : 62917.63 -310.88
NIFTY : 18688.10 -67.80

বাঁচি PARA UPDATE
সর্বোচ্চ 40.00 °C
সর্বনিম্ন 28.00 °C
সূর্যোদয় (আজ) >> 18.36 টা
সূর্যোদয় (কাল) >> 05.02 টা

গহনার বাজার
সোনা (বিজ্জী) 58,650 টাকা /10 গ্রাম
সোনা (জয়) 61,580 টাকা /10 গ্রাম
রুপা >> 83,700 টাকা /কিলো

রাষ্ট্রীয় খবর
সংক্ষিপ্ত খবর

তিন লাখের বেশি অভিবাসন প্রত্যাশীকে প্রত্যাবাসন থেকে রেহাই দেবে যুক্তরাষ্ট্র

নিউ ইয়র্ক : বাইডেন প্রশাসন মঙ্গলবার জানিয়েছে, তারা এল সালভাদর, হন্ডুরাস, নেপাল ও নিকারাগুয়া থেকে আসা ৬ লাখ অভিবাসন প্রত্যাশীর সাময়িক আইনি মর্যাদার মেয়াদ ২০২৫ পর্যন্ত বাড়িয়ে দেবে। ট্রাম্প প্রশাসনের নীতি অনুযায়ী তারা প্রত্যাবাসন ও ওয়ার্ক পারমিট হারানোর ঝুঁকিতে ছিলেন। সাময়িক সুরক্ষা কর্মসূচির (টিপিএস) আওতায় বাইডেন প্রশাসন এই ৪ দেশ থেকে আসা অভিবাসন প্রত্যাশীদের আইনগত ভাবে যুক্তরাষ্ট্রে অবস্থান ও কাজ করা অব্যাহত রাখার অনুমতি দেবে। টিপিএস কর্মসূচির মাধ্যমে যুক্তরাষ্ট্রের স্থায়ী বাসিন্দা হওয়ার উপায় নেই। তবে এটি উর্ধ্বে ১৮ মাস পর্যন্ত মানুষকে যুক্তরাষ্ট্রে আইনি মর্যাদা ও প্রত্যাবাসিত হওয়া থেকে সুরক্ষা দেয়। একইসঙ্গে এটি মানুষকে আইনগতভাবে যুক্তরাষ্ট্রে কাজ করার ওয়ার্ক পারমিট দেয়, যার মেয়াদ বাড়ানো সম্ভব। ১৯৯০ সালে কংগ্রেস টিপিএস চালু করেছিল এবং জানিয়েছেন, যেসব অভিবাসন প্রত্যাশীদের নিজেদের দেশে বসবাস করার পরিস্থিতি নিরাপদ নয়, তারা যুক্তরাষ্ট্র সরকারের চাহিদা পূরণ সাপেক্ষে একটি নির্দিষ্ট সময় পর্যন্ত দেশটিতে থাকতে এবং কাজ করতে পারবে। বর্তমানে টিপিএস সুবিধার আওতায় ১৬টি দেশ রয়েছে, যার মধ্যে আছে আফগানিস্তান, ক্যাম্বোডিয়া, এল সালভাদর, ইথিওপিয়া, হাইতি, হন্ডুরাস, মিয়ানমার, নেপাল, নিকারাগুয়া, সোমালিয়া, দক্ষিণ সুদান, সুদান, সিরিয়া, ইউক্রেন, ভেনেজুয়েলা ও ইয়েমেন। ২০০১ থেকে শুরু করে যুক্তরাষ্ট্রে এল সালভাদরের প্রায় ২ লাখ ৩৯ হাজার নাগরিক বসবাস করছেন। ১৯৯৮ সাল থেকে হন্ডুরাসের ৭৬ হাজার ও নিকারাগুয়ার ৪ হাজার নাগরিক দেশটিতে আছেন। ২০১৫ থেকে ১৪ হাজার ৫০০ নেপালি নাগরিকও দেশটিতে বসবাস করছেন। তারা সবাই টিপিএসের আওতায় তাদের আইনি মর্যাদা নবায়নের সুযোগ পাচ্ছেন।



জাতীয় খবর
বাংলা দৈনিক
JATIO KHOBOR
BANGLA DAINIK

Page >> 8 Rate >> 3 Rupee >> Year >> 03 Vol >>242 >>32 Joystha 1430 >> epaper.rashtriyakhbar.com >> পৃষ্ঠা >> ০৮ মূল্য >> ৩ টাকা বর্ষ >> ০৬ অবক >> ২৪২ >> << ৩২শে, জ্যৈষ্ঠ ১৪৩০ >>

আগস্টে ব্রিকস এর সদস্য হতে যাচ্ছে বাংলাদেশ

জেনেভা : আগস্টে বাংলাদেশ ব্রিকস এর সদস্য হতে পারে বলে জানিয়েছেন পররাষ্ট্রমন্ত্রী ড. একে আব্দুল মোমেন। বৃহস্পতি জেনেভায় প্রধানমন্ত্রী শেখ হাসিনার বৈঠক নিয়ে ব্রিকসের সময় সাংবাদিকদের এ তথ্য জানান তিনি। বাংলাদেশের পররাষ্ট্রমন্ত্রী বলেন, ‘‘তারা (ব্রাজিল, রাশিয়া, ভারত, চীন ও সাউথ আফ্রিকা) যে ব্রিকস ব্যাংকটা করেছে, সম্প্রতি আমাদের তাতে গেস্ট হিসেবে দাওয়াত দিয়েছিল। ব্যাংক আমাদের সদস্য করেছে। আগামীতে তারা ব্রিকসে আমাদের সদস্য করবে, আগস্ট মাসে ওদের সম্মেলন হবে। প্রধানমন্ত্রী ইনশাআল্লাহ সেখানে যাবেন।’’ বর্তমানে ব্রিকস এর সদস্য পাঁচ দেশ। একে আব্দুল মোমেন জানান, আগামীতে আরো আটটি দেশকে তারা সদস্য করবে। ‘‘তার মধ্যে বাংলাদেশ, সৌদি আরব, সংযুক্ত আরব আমিরাত ও ইন্দোনেশিয়াকে তারা দাওয়াত দিয়েছে।’’ ব্রিকস এ যোগদানের সুবিধার কথা তুলে ধরে তিনি বলেন, ‘‘এটা আমাদের অর্থায়নের আরেকটি

ক্ষেত্র হবে। আমাদের তো টাকা পয়সা দরকার। সেদিক থেকে এটা ভালো হবে।’’ ব্রাজিল, রাশিয়া, ভারত, চীন সাউথ আফ্রিকাকে নিয়ে ২০১৫ সালে ব্রিকসের নিজস্ব ব্যাংক যাত্রা শুরু করে। পরবর্তীতে অবশ্য এর নাম পাল্টে নিউ ডেভেলপমেন্ট ব্যাংক করা হয়েছে। ব্যাংকটির প্রতিষ্ঠাতা সদস্য পাঁচ দেশের পাশাপাশি ২০২১ সালে নতুন সদস্য হিসেবে যোগ দেয় বাংলাদেশ, সংযুক্ত আরব আমিরাত ও মিশর। পররাষ্ট্রমন্ত্রীর বক্তব্য অনুযায়ী, ব্যাংকের পাশাপাশি

এখন ব্রিকস জোটের যোগ দিতে যাচ্ছে বাংলাদেশ। এদিকে জেনেভার প্যালেইস ডি নেশনে দক্ষিণ আফ্রিকার প্রেসিডেন্ট মাতামেলা সিরিল রামাফোসার সঙ্গে বৈঠক করেছেন শেখ হাসিনা। একই স্থানে মাল্টার প্রেসিডেন্ট জর্জ ডেলার সঙ্গেও বৈঠক করেন তিনি। প্রধানমন্ত্রী মাল্টাকে বাংলাদেশ থেকে ওয়ুথ ও তৈরি পোশাক আমদানির অনুরোধ করেন বলে পররাষ্ট্রমন্ত্রীর সংবাদ সম্মেলনে জানানো হয়। অন্যদিকে সাউথ আফ্রিকার প্রেসিডেন্ট এবং মাল্টার

প্রেসিডেন্টের সঙ্গে আলাদা বৈঠকে প্রধানমন্ত্রী উভয়কে বাংলাদেশে তাদের মিশন খোলার অনুরোধ করেন। দ্বিপাক্ষিক বিভিন্ন বিষয়ের পাশাপাশি তাদের সঙ্গে রোহিঙ্গা সংকট ও আন্তর্জাতিক বিভিন্ন বিষয় নিয়েও আলোচনা হয় বলে জানান মোমেন। এদিন আন্তর্জাতিক শ্রম সংস্থা (আইএলও)-র মহাপরিচালক গিলবার্ট এফ হাউগবোর সাথেও বৈঠক করেন প্রধানমন্ত্রী শেখ হাসিনা।



চীনা পাইলট প্রশিক্ষণ, অস্ত্র উন্নয়নে সহায়তা করা কোম্পানিগুলোর ওপর যুক্তরাষ্ট্রের নিষেধাজ্ঞার সমালোচনা করেছে বেইজিং

বেইজিং : চীনের সামরিক পাইলটদের প্রশিক্ষণ এবং অস্ত্র বিকাশে সহায়তা করার সাথে জড়িত বলে ধারণা করা হয় এমন সংস্থাগুলোর ওপর যুক্তরাষ্ট্র কর্তৃক আরোপিত নতুন নিষেধাজ্ঞার সমালোচনা করেছে চীন। পররাষ্ট্র মন্ত্রকের মুখপাত্র ওয়াং ওয়েনবিন চীনা কোম্পানিগুলোকে আটকানোর জন্য ওয়াশিংটনকে রপ্তানি নিয়ন্ত্রণ ব্যবস্থার অপব্যবহার বন্ধ করার আহ্বান জানিয়েছেন। সোমবার যুক্তরাষ্ট্র জাতীয় নিরাপত্তা এবং বৈদেশিক নীতির স্বার্থে ৪৩টি সত্ত্বাকে রপ্তানি নিয়ন্ত্রণ তালিকায় রেখেছে। তালিকায় চীনা এবং বিদেশী উভয় কোম্পানিই রয়েছে। তালিকাভুক্তদের মধ্যে ছিল ফ্রন্টিয়ার সার্ভিসেস গ্রুপ লিমিটেড নামে একটি নিরাপত্তা এবং বিমান চলাচল কোম্পানি, যা পূর্বে গ্ল্যাভগুয়ারের প্রতিষ্ঠাতা এরিক প্রিন্স দ্বারা পরিচালিত এবং টেস্ট ফ্লাইং একাডেমি অফ সাউথ আফ্রিকা এটি অবসরপ্রাপ্ত ব্রিটিশ সামরিক পাইলটদের চীনা উড়োজাহাজের প্রশিক্ষণ দেয় বলে ব্রিটিশ

কর্তৃপক্ষের নজরে ছিল। সংস্থাগুলোকে যুক্তরাষ্ট্রের জাতীয় স্বার্থের পরিপন্থী বলে বিবেচিত কার্যকলাপের জন্য যুক্তরাষ্ট্রের রপ্তানি গ্রহণে বাধা দেয়া হয়েছে। অন্যান্য সংস্থাগুলোকে চীনের হাইপারসোনিক অস্ত্রের উন্নয়ন, সেনাবাহিনী এবং বাণিজ্য বিভাগ সহায়তা আধুনিকীকরণে সহায়তা করার কারণে নিষেধাজ্ঞা দেয়া হয়েছিল। যদিও দুটি দেশ জাতীয় নিরাপত্তা এবং মানবাধিকার ইস্যুতে বিতর্ক করছে, তারা দুর্ধটনাজনিত সংঘর্ষ এড়াতে যোগাযোগ খোলা রাখার জন্যও কাজ করছে। পররাষ্ট্রমন্ত্রী অ্যান্টনি ব্লিংকেনের এই সপ্তাহের শেষের দিকে বেইজিংএ সফর করার কথা ছিল। ফেব্রুয়ারি মাসে যুক্তরাষ্ট্রের আকাশে চীনা একটি গুপ্তচর বেলুন ঢুকে পড়ার কারণে সেই সফর স্থগিত করা হয়।



নিকারাগুয়া সফরকালে ইরানের প্রেসিডেন্ট যুক্তরাষ্ট্রের নিষেধাজ্ঞার কড়া সমালোচনা করলেন

মানাগুয়া : লাতিন আমেরিকায় প্রথম সফরে ইরানের কটরপন্থী প্রেসিডেন্ট মঙ্গলবার নিকারাগুয়ার প্রেসিডেন্টের সাথে সাক্ষাৎ করেন এবং উভয় নেতা অভিন্ন একটি বিষয়ের সমালোচনা করেন এবং তা হলো যুক্তরাষ্ট্রের নিষেধাজ্ঞা। ভেনিজুয়েলার পর নিকারাগুয়া প্রেসিডেন্ট ইব্রাহিম রাইসির দ্বিতীয় গন্তব্যস্থান। ইরানের অপর মিত্র কিউবা সফরে যাওয়ার কথা রয়েছে তার। রাইসি মানাগুয়ায় নিকারাগুয়ার প্রেসিডেন্ট ড্যানিয়েল ওর্তেগার সাথে একটি যৌথ উপস্থিতিতে কথা বলেছেন। রাইসি বলেন, যুক্তরাষ্ট্র আমাদের জনগণকে

হুমকি এবং নিষেধাজ্ঞা দিয়ে পঙ্গু করে দিতে চেয়েছিল, কিন্তু তারা তা করতে পারেনি। ওর্তেগার সরকারের অনেক শীর্ষস্থানীয় ব্যক্তিও ভিন্নমতকে দমন এবং বিরোধীদেরকে কারারুদ্ধ বা নির্বাসিত করার জন্য যুক্তরাষ্ট্রের নিষেধাজ্ঞার সম্মুখীন হয়েছেন। সোমবার রাইসি ভেনিজুয়েলার প্রেসিডেন্ট নিকোলাস মাদুরোর সাথে সাক্ষাৎ করেন। ভেনিজুয়েলাও যুক্তরাষ্ট্রের অর্থনৈতিক নিষেধাজ্ঞার অধীনে রয়েছে। প্রেসিডেন্ট জো বাইডেনের প্রশাসনের সাথে ক্রমবর্ধমান উত্তেজনার মধ্যে ল্যাটিন আমেরিকার মিত্র দেশগুলোতে তার এই

সফর সম্পন্ন হচ্ছে। যুক্তরাষ্ট্র অভিযোগ করেছে, ইরান রাশিয়াকে মস্কোর পূর্বে একটি ড্রোন উৎপাদন কারখানা তৈরির জন্য উপকরণ সরবরাহ করেছে কারণ ফ্রেমলিন ইউক্রেনে তার আক্রমণের জন্য অস্ত্রের স্থিতিশীল সরবরাহ নিশ্চিত করতে চায়। যুক্তরাষ্ট্রের কর্মকর্তারা মনে করেন, রাশিয়ার প্ল্যানটি আগামী বছরের শুরুতে কাজ শুরু করতে পারে, তবে ইরান বলেছে, তারা যুদ্ধ শুরুর আগে রাশিয়াকে ড্রোন সরবরাহ করেছিল।



শিরোপা কেন্দ্র ও রাজ্যের শাসকদের মধ্যে যে রাজনৈতিক লড়াই, তার ছায়া সব ক্ষেত্রে পড়ছে
সেয়ার তালিকায় থেকেও ‘উৎকর্ষ প্রতিষ্ঠান’ নয় যাদবপুর



কলকাতা : বাজেটের অভাবে উৎকর্ষ কেন্দ্রের তকমা অধরা রইল যাদবপুর বিশ্ববিদ্যালয়ের। পঠনপাঠনে দেশের শ্রেষ্ঠ প্রতিষ্ঠানগুলির তালিকায় থাকা যাদবপুরের অর্থ সংকট আরো বৃদ্ধির আশঙ্কা। ‘ইনস্টিটিউট অফ এমিগ্রেশন’ অর্থাৎ উৎকর্ষ শিক্ষা প্রতিষ্ঠান। কেন্দ্রের শিক্ষা মন্ত্রক দেশের বিভিন্ন শিক্ষা প্রতিষ্ঠানকে এই শিরোপা দেয়। এর সঙ্গে দেয়া হয় আর্থিক সাহায্য। যোগ্যতার মাপকাঠিতে যাদবপুর বিশ্ববিদ্যালয় উত্তীর্ণ হলেও বাজেট সংক্রান্ত সমস্যায় তার শিরোপা প্রাপ্তি আটকে গিয়েছে। ন্যাশনাল ইনস্টিটিউশনাল র‍্যাঙ্কিং ফ্রেমওয়ার্ক বিভিন্ন বিশ্ববিদ্যালয়কে উৎকর্ষের নিরিখে তালিকাভুক্ত করে। এ বছরের তালিকায় চতুর্থ স্থানে রয়েছে যাদবপুর। এক নম্বরে ইন্ডিয়ান ইনস্টিটিউট অফ সায়েন্স। দ্বিতীয় স্থানে জওহরলাল নেহরু বিশ্ববিদ্যালয় ও তৃতীয় জামিয়া মিলিয়া ইসলামিয়া। এই তিনটি কেন্দ্রীয় বিশ্ববিদ্যালয়ের পর রাজ্য বিশ্ববিদ্যালয় হিসেবে দেশের মধ্যে প্রথম স্থানে রয়েছে কলকাতার প্রথম সারির এই প্রতিষ্ঠান। দ্বাদশ স্থানে কলকাতা বিশ্ববিদ্যালয়। পশ্চিমবঙ্গে অবস্থিত কেন্দ্রীয় বিশ্ববিদ্যালয় বিশ্বভারতী রয়েছে অনেক পিছিয়ে ৯৭ নম্বরে। ২০১৮ সালে যাদবপুর কে উৎকর্ষ কেন্দ্র হিসেবে বেছে নিয়েছিল শিক্ষা মন্ত্রক। সেই সময় হাজার কোটি টাকার আর্থিক প্যাকেজ দেওয়ার কথা ছিল এই বিশ্ববিদ্যালয়কে। শর্ত অনুযায়ী এর ২৫ শতাংশ টাকা দিতে হতো রাজ্য সরকারকে। এই বায়ভার বহন করতে না পারার কথা রাজ্য ও বিশ্ববিদ্যালয়ের পক্ষ থেকে জানানো হয় কেন্দ্রকে।

প্যাকেজ কমানোর সুপারিশও করা হয়। কিন্তু বিশ্ববিদ্যালয় মঞ্জুরি কমিশন শেষমেষ যাদবপুরকে এই তালিকা থেকে বাদ রাখে। গুণগত বিচারে যাদবপুর প্রথম সারিতে থাকায়, বিশ্ববিদ্যালয় কর্তৃপক্ষ মন্ত্রকের কাছে আবেদন করেন, যাতে তাদের উৎকর্ষ শিক্ষা প্রতিষ্ঠানের তালিকা রাখা হয়। সে ক্ষেত্রে বড় অঙ্কের আর্থিক অনুদান পাওয়ার সম্ভাবনা থাকে। কিন্তু সম্প্রতি শিক্ষা মন্ত্রক রাজ্যকে চিঠি দিয়ে জানিয়েছে, যাদবপুরকে এই তালিকায় রাখা যাচ্ছে না। এর ফলে অনুদান থেকে বঞ্চিত হবে আর্থিক সম্বন্ধে থাকা যাদবপুর। অনুদানের টাকা বিভিন্ন খাতে খরচ হওয়ার কথা। বিশ্ববিদ্যালয় ভবনের মেরামতি ও নির্মাণ, গবেষণা সংক্রান্ত যন্ত্রপাতি ও সরঞ্জামের রক্ষণাবেক্ষণের জন্য অনেক টাকা প্রয়োজন। এ ছাড়া গবেষণা প্রকল্প অব্যাহত রাখতে এবং গবেষকদের ভাতা দিতেও বড় অঙ্কের বরাদ্দ দরকার। অতীতে কেন্দ্র ও রাজ্যের যৌথিত বরাদ্দেও পুরোটা মেলেনি বলে অভিযোগ উঠেছে। যাদবপুর বিশ্ববিদ্যালয়ের শিক্ষক সমিতির সাধারণ সম্পাদক পার্থপ্রতিম রায় কেন্দ্রের সমালোচনা করেছেন। তার বক্তব্য, যাদবপুরকে উৎকর্ষ শিক্ষা প্রতিষ্ঠানের মর্যাদা না দেওয়ার জন্য কুযুক্তি দেয়া হচ্ছে। অথচ যে বিশ্ববিদ্যালয় এখনো তৈরি হয়নি, সেটি জায়গা পেয়ে যাচ্ছে কেন্দ্রের তালিকায়। একই সুরবাদবপুরের কেমিক্যাল ইঞ্জিনিয়ারিংয়ের অধ্যাপক তরুণ নন্দরের মুখে। সাবেক বিধায়ক ডয়চে ভেলেকে বলেন, জিও ইউনিভার্সিটির ক্যাম্পাস খোলেনি, তাকে হাজার কোটি টাকা দিয়েছে কেন্দ্র। তা হলে যাদবপুর কেন পাবে না? আদতে এটা শিক্ষার

বেসরকারিকরণের একটা ধাপ। রাজ্য সরকার বেতন খাতে অর্থ দিলেও বাকি বিপুল ব্যয় সামলাতে বিশ্ববিদ্যালয় কর্তৃপক্ষকে কেন্দ্র ও রাজ্যের দিকে তাকিয়ে থাকতে হয়। সমস্যা কিছুটা সমাধানে যাদবপুরের সাবেক উপাচার্য সুরঞ্জন দাস বিশ্ববিদ্যালয়ের প্রাক্তনীদের সাহায্যের হাত বাড়িয়ে দেওয়ার আবেদন জানিয়েছিলেন। কিন্তু এই সাহায্যে কি প্রথম শ্রেণির একটি শিক্ষা প্রতিষ্ঠানের উৎকর্ষ বৃদ্ধির পর বছর ধরে রাখা সম্ভব? যাদবপুরের কনস্ট্রাকশন ইঞ্জিনিয়ারিংয়ের অধ্যাপক পার্থপ্রতিম বিশ্বাস বলেন, অনুদান ছাড়া উৎকর্ষ ধরে রাখা সম্ভব নয়। টাকা না পেলে গবেষণা এগোবে কী করে? এছাড়া পঠনপাঠনের উন্নতি, বৃত্তি দেয়া অসম্ভব হবে। সমস্যা হচ্ছে, এটা নিয়ে কেন্দ্র ও রাজ্য সরকার ততটা ভাবিত নয়। এই পরিস্থিতিতে রাজ্য সরকারের ভূমিকা নিয়ে প্রশ্ন তোলেন যাদবপুরের রসায়নের

অধ্যাপক, কার্টন বিতর্কে একসময়ে প্রশস্তর হওয়া অস্বিক্ষেপ মহাপাত্র। তিনি বলেন, শিক্ষা নিয়ে কোনো মাথাব্যথা নেই। নইলে মাসের পর মাস স্থায়ী উপাচার্য নিয়োগ করা হয় না? এখন আবার উপাচার্যের বেতন বৃদ্ধির ফতোয়া দিয়েছে শিক্ষা দপ্তর। এটা কি উৎকর্ষ রক্ষার অনুকূল পরিবেশ? যাদবপুরের বন্ধনীর নেপথ্যে রাজনীতির সংঘাতকে দায়ী করছেন শিক্ষাবিদদের একাংশ। রাজ্যের সঙ্গে রাজ্যপাল তথা আচার্য সিদ্ধি আনন্দ বোসের বিরোধ এখন চরমে। স্থায়ী উপাচার্য নিয়োগ নিয়ে জটিলতা ক্রমশ বাড়ছে। যাদবপুরের প্রাক্তনী, শিক্ষাবিদ মীরাভূতন নাথার বলেন, কেন্দ্র ও রাজ্যের শাসকদের মধ্যে যে রাজনৈতিক লড়াই, তার ছায়া সব ক্ষেত্রে পড়ছে। যাদবপুরের ক্ষেত্রেও একই বিষয় হচ্ছে বলে আমার মনে হয়। এটা যদি হয় তা খুবই দুর্ভাগজনক।

জন্ম ही आपके हाथों में होगा
राष्ट्रीय खबर
हमारी नजर
का बांग्ला संस्करण
জাতীয় খবর

ইসরায়েলি মিসাইল ডিফেন্স সিস্টেম কিনছে জার্মানি



বার্লিন : ইসরায়েলের কাছ থেকে চারশ কোটি ইউরো দিয়ে আরো ৩ মিসাইল ডিফেন্স সিস্টেম কিনছে জার্মানি। অনুমোদন করলো পার্লামেন্ট। দুর্ভাগ্যবশত আরো ৩ সিস্টেম ব্যালিস্টিক মিসাইলকেও ধ্বংস করে দিতে পারে, সেটাও পৃথিবীর বায়ুমণ্ডলের উপরে। বার্লিনের হাতে এই

ডিফেন্স সিস্টেম এলে শুধু যে জার্মানি উপকৃত হবে তাই নয়, প্রতিবেশী দেশগুলিও লাভবান হবে। তারাও সুরক্ষা পাবে। বুধবার জার্মানি পার্লামেন্টের নিম্নকক্ষের বাজেট কমিটি প্রাথমিকভাবে ইসরায়েলকে যে অর্থ দিতে হবে তা অনুমোদন করেছে। প্রাথমিকভাবে

জার্মানি ৫৬ কোটি ইউরো দেবে এই ডিফেন্স সিস্টেম কেনার জন্য। কমিটির এক সদস্যকে উদ্ধৃত করে এই খবর জানিয়েছে জার্মানির একটি সংবাদপত্র। বহুবছর ধরে জার্মানি তার সামরিক বাহিনীর জন্য যথেষ্ট খরচ করেনি। কিন্তু ইউক্রেনে রাশিয়ার আগ্রাসন দেখিয়ে দিয়েছে, ইউরোপের

প্রতিরক্ষা ব্যবস্থায় কতটা খামতি আছে। বিশেষ করে মিসাইল ও ড্রোন হামলা হলে উপযুক্ত এয়ার ডিফেন্স সিস্টেম অনেক দেশের কাছেই নেই। ইউক্রেন যুদ্ধের পর জার্মানি চ্যাম্পেলর শলৎস একশ কোটি ইউরোর একটা তহবিল গঠন করেন। সেখান থেকেই আরো ৩ মিসাইল ব্যবস্থার প্রাথমিক খরচ জোগানো হবে। বার্লিন চায়, আরো ৩ কেনা নিয়ে সরাসরি ইসরায়েল সরকারের সঙ্গে চুক্তি করতে। কিন্তু পরে যদি কোনো কারণে এই চুক্তি বাস্তবায়িত না হয়, তাহলে জার্মানি আর অগ্রিম অর্থ ফেরত পাবে না বলে সংবাদপত্র জানিয়েছে। তবে সবকিছু ঠিক থাকলে এই বছরের শেষে চুক্তি হবে। আর বার্লিনের আশা, ২০২৫ সালের শেষদিকে তারা আরো ৩ সিস্টেম হাতে পেয়ে যাবে। অগ্রিম অর্থ নিয়ে ইসরায়েল উৎপাদন প্রক্রিয়া শুরু করবে। বুধবারই সাংবাদিক সম্মেলনে শলৎস বলেছেন, জার্মানি একটা বড় প্রকল্পে অর্থ বিনিয়োগ করেছে, যা শুধু একা জার্মানির সঙ্গে যুক্ত নয়। শলৎসকে প্রশ্ন করা হয়েছিল, এই ক্ষেত্রে অগ্রিম অর্থ দেয়া কি ঝুঁকিপূর্ণ নয়? শলৎসের জবাব, ‘‘আমরা ছোট ছোট পদক্ষেপ নিয়ে এসেছি। আমি মনে করি, সবকিছু মসৃণভাবে চলবে।’’

জাতীয় কংগ্রেসে যোগদান

সিউডি (নিজস্ব প্রতিনিধি): - মুরারই একনং ব্লকের গোড়াশা গ্রামপঞ্চায়েতের আন্দুল্লাপুর গ্রামের তৃণমূল নেতা আনাকুল সেন ও ডাকু সেন তৃণমূল ত্যাগ করে প্রায় পাঁচশোজন কর্মী সমর্থক নিয়ে জাতীয় কংগ্রেসে যোগদান করলো। নবাগতদের হাতে কংগ্রেসের দলীয় পতাকা তুলে দিলেন মুরারই একনং ব্লক কংগ্রেস সহসভাপতি মফিজুল ইসলাম খান। পিঃইউ সেন সভাপতি, গোড়শা অঞ্চল কংগ্রেস কমিটি, জামাল সেন কার্যকারী সভাপতি বীরভূম জেলা যুব কংগ্রেস কমিটি, হাসানুজ্জামান সেন সম্পাদক পশ্চিমবঙ্গ প্রদেশ যুব কংগ্রেস কমিটি উপস্থিত ছিলেন।

বীরভূমে বিজেপিকর্মীদের ষিটি ধাওয়ালাে ব্রহ্মবল সিউডি (নিজস্ব প্রতিনিধি): - মনোনয়ন ঘিরে যখন রনক্ষেত্র ভাঙড়, ক্যানিং,চোপড়া,ইলামবাজার তখন ভিন্ন ছবি ধরা পড়লো বীরভূম জেলার সিউডি দুইনং ব্লক অফিসে। বৃহস্পতিবার মনোনয়নপত্র জমা দিতে আসা বিজেপি কর্মীদের মিষ্টি খাইয়ে স্বাগত জানালেন সিউডি দুইনং পঞ্চায়েত সমিতির বিদায়ী বন ও ভূমি কর্মাধ্যক্ষ মির্জা জাকির হোসেন। মির্জা জাকির হোসেন বলেন, বিজেপির পছন্দের গুরুত্বা রঙের মিষ্টি খাইয়ে মনোনয়ন জমা দিতে আসা বিজেপি কর্মীদের স্বাগত জানালাম। তাদের সহযোগিতা করছি। মনোনয়ন জমা গনতান্ত্রিক অধিকার। বিজেপি জেলা সম্পাদক কৃষ্ণকান্ত সাহা

বলেন, খুব ভালো লাগলো। দেরিতে হলেও বুঝতে পেরেছে বিজেপির লোকজনদের মিষ্টি জল খাওয়ানো দরকার। আমি ধনবাদ জানিয়েছি। এখানে কোনো ভয় নেই। এখানকার লোকজন যথেষ্ট সহযোগিতা করছে। বীরভূম জেলাপরিষদের ছাব্বিশনং আসনে মনোনয়নপত্র জমা দিয়েছি।

অক্ষয় বিজেপি সভাপতি রনক্ষেত্র অমোদপুর সিউডি (নিজস্ব প্রতিনিধি): মনোনয়নপত্র জমা দেওয়ারকে কেন্দ্র করে বৃহস্পতিবার পনোরো জুন অগ্নিগর্ভ হয়ে উঠলো আমোদপুর। বিজেপি বোলপুর সাংগঠনিক জেলা সভাপতি সন্ন্যাসীচরণ মণ্ডলকে মারধর করা হয়। ভাঙচুর করা হয় গাড়ি। পুলিশকে লক্ষ্য করেই ইট বৃষ্টি তৃণমূল দুস্কৃতিদের। মুড়ি মুড়কির মত পড়ে বোমা, ঝালিয়ে দেওয়া হয় বিজেপির দলীয় কার্যালয়। ঘটনা ঘিরে সন্ত্রাসের আতঙ্ক জেলায়। তৃণমূল দুস্কৃতিদের ছোড়া বোমা পাথরে জখম হয় বেশ কিছু বিজেপি কর্মী। অক্রান্ত বিজেপি বোলপুর জেলা সাংগঠনিক সভাপতি সন্ন্যাসীচরণ মন্ডল বলেন, পশ্চিমবঙ্গ গনতন্ত্র নেই। ভোট শাস্তিগুণ হবে না এটাই তার প্রমাণ।

রনক্ষেত্র ইলামবাজার অক্ষয় বিজেপি ও সিপিএম সিউডি (নিজস্ব প্রতিনিধি): বৃহস্পতিবার ইলামবাজারের বারকইপুর গ্রামে নির্দল প্রার্থী জাহানারা বিবির বাড়ীতে হামলার অভিযোগ উঠে

তৃণমূল আশ্রিত দুস্কৃতিদের বিরুদ্ধে। পায়ের গ্রামে বিজেপির জেলা সদস্য চিত্তরঞ্জন সিংহের বাড়ীতে হামলা জিনিসপত্র ভাঙ্গচুরের অভিযোগ উঠে তৃণমূল আশ্রিত দুস্কৃতিদের বিরুদ্ধে। ইলামবাজার থানার পুলিশ গিয়ে পরিস্থিতি নিয়ন্ত্রণে আনে। ধরমপুর অঞ্চলের নামোদেলোর গ্রামে সিপিএম প্রার্থী শেখ আসরফ সহ সিপিএম কর্মীদের উপরে হামলার অভিযোগ তৃণমূলের বিরুদ্ধে। যদিও সমস্ত অভিযোগ অস্বীকার করেছে তৃণমূল।

হাসপাতালে ভর্তি মন্ডল সভাপতি সিউডি (নিজস্ব প্রতিনিধি): বৃহস্পতিবার প্রথমার্ধে মনোনয়নপত্র জমা দিতে আসা বিজেপিকর্মীদের মিষ্টি ঠান্ডা জল খাইয়ে স্বাগত জানায় সিউডি দুইনং পঞ্চায়েত সমিতির বন ও ভূমি কর্মাধ্যক্ষ মির্জা জাকির হোসেন। দুপুরে পর পাশ্বে গেলো চিত্র। বিজেপি কর্মীদের মারধর করার অভিযোগ উঠলো তৃণমূল আশ্রিত দুস্কৃতিদের বিরুদ্ধে। সাইথিয়া চারনং বিজেপি মন্ডল সভাপতি উৎপলবীর মন্ডল গুরুতর জখম অবস্থায় সিউডি সুপার স্পেশালিটি হাসপাতালে চিকিৎসাধীন। হাসপাতালের বেডে শুয়ে উৎপল বলেন, মনোনয়নপত্র জমা করতে গেছিলো তৃণমূলের উন্নয়ন বাহিনী রাস্তায় দাঁড়িয়েছিল। রাস্তায় ফেলে মেরেছে আমি অজ্ঞান হয়ে যায়। পুলিশ এসে উদ্ধার করে হাসপাতালে ভর্তি করে। গনতন্ত্র বলে কিছু নেই।

মেয়েকে নিয়ে বাড়ি জেয়ার পথে সড়ক দুর্ঘটনায় বাবার মৃত্যু, মেয়ের অবস্থা আশঙ্কাজনক



উত্তর দিনাজপুর : মেয়েকে মোটরবাইকে করে নিয়ে বাড়ি ফেরার পথে পথ দুর্ঘটনায় মৃত বাবা আশঙ্কাজনক মেয়ে। শুক্রবার বিকেলে মর্মান্তিক পথ দুর্ঘটনাটি ঘটেছে উত্তর দিনাজপুর জেলার ইটাহার থানার আমপাড়া এলাকায় ১২ নম্বর জাতীয় সড়কে। জানা যায়, এদিন জয়হাট অঞ্চলের চাঁকলা এলাকার বাসিন্দা আবু তাহের ইটাহার ড. মেঘনাদ সাহা কলেজ থেকে মেয়ে নাজেরা খাতুনকে সঙ্গে নিয়ে মোটর বাইকে বাড়ি ফিরছিলেন। সেই সময় আমপাড়া এলাকায় ১২ নম্বর জাতীয় সড়কে মালদা মুখী একটি গাড়ি তাদের বাইকে ধাক্কা মেরে। ঘটনার জেরে জাতীয় সড়কে রক্তাক্ত অবস্থায় ছিটকে পড়ে বাবা ও মেয়ে। মর্মান্তিক পথ দুর্ঘটনার ফলে চাঞ্চল্য ছড়ায় আমপাড়া এলাকায়। খবর পেয়ে ঘটনাস্থলে যায় ইটাহার থানা ও চেকপোস্ট ফাঁড়ির পুলিশ সহ হাইওয়ে কর্তৃপক্ষের মেডিক্যাল কর্মীরা। স্থানীয় বাসিন্দাদের সহযোগিতায় হাইওয়ে কর্তৃপক্ষের অ্যাম্বুলেন্সে আশঙ্কাজনক অবস্থায় বাবা আবু তাহের ও মেয়ে নাজেরা খাতুনকে ইটাহার গ্রামীণ হাসপাতালে নিয়ে আসে। সেখানে কর্তব্যরত চিকিৎসক আবু তাহেরকে মৃত বলে ঘোষণা করে এবং আশঙ্কাজনক অবস্থায় নাজেরা খাতুনকে রায়গঞ্জ জেলা হাসপাতালে স্থানান্তর করে চিকিৎসক। মর্মান্তিক কত দুর্ঘটনায় শোকের গহ্বর নেমেছে মৃত আবু তাহেরের পরিবার সহ জয়হাট অঞ্চলের চাঁকলা এলাকায়।

দুর্ঘটনায় আহত, নিহতদের মধ্যে পরিবারী মানুষের সংখ্যাই বেশি সৃজন ডটাচার্চ
জলপাইগুড়ি ৪ দুর্দিন আগে সংগঠনের জলপাইগুড়ি জেলার অন্যতম নেতা চা বাগান শ্রমিক পরিবারের সন্তান প্রশান্ত খেরিয়ার অন্ত্যাবসিক মৃত্যু হওয়াশনিবার মৃত ছাত্র নেতার পরিবারের সদস্যদের সঙ্গে দেখা করতে আসেন এস এফ আইয়ের রাজ্য সম্পাদক সৃজন ডটাচার্চ।এরপরেই শুক্রবার উড়িষ্যায় ঘটে যাওয়া ভয়াবহ রেল দুর্ঘটনায় মৃত এবং আহতদের পরিবারের প্রতি সমবেদনা জ্ঞাপন করে ভারতের ছাত্র ফেডারেশনের রাজ্য সম্পাদক সৃজন ডটাচার্চ বলেন,বন্দে ভারত দিয়ে দেশের সরকার আমজনতাকে বুদ করে রেখে রেলের ৮০ হাজার পদ তুলে ধরবে। তিন লক্ষ শুনো পদে নিয়োগ বন্ধ করেছে।আর এই রাজ্যে কাজ এবং সূচিকিংসা ব্যবস্থা না থাকায় বহু মানুষকে চিকিৎসা ও পরিযায়ী শ্রমিক হলে উপার্জন করতে ছুটতে হয় দক্ষিণ ভারতে।এমন যাত্রীদের সংখ্যাই বেশী ছিলো গতকালের মর্মান্তিক রেল দুর্ঘটনায়। এর অন্যতম কারণ এই রাজ্যে রোজগার নেই, শ্রমিকের মজুরি নেই, উন্নয়নের অর্থ মদ মাংসে খরচ করে রাজ্য সরকার।আমরা ইতিমধ্যেই রাজ্যের সমস্ত ইউনিটকে রক্ত এবং অন্যান্য প্রযোজনীয় সামগ্রী নিয়ে তৈরি থাকতে।

পঞ্চায়েত ডোন্টের অ্যাগেই উত্তম তুফানগঞ্জ। তৃণমূল সিপিএম সংঘর্ষে উত্তরগঞ্জের আহিত ও চর
কোচবিহার : পঞ্চায়েত ডোন্টের আগে উত্তম তুফানগঞ্জের বালাতুত। সিপিএম ও তৃণমূলের সংঘর্ষে আহত উভয় দলের ছয় জনারবিবার রাতে তুফানগঞ্জের বালাতুত গ্রাম পঞ্চায়েতের দক্ষিণ বালাতুত এলাকায় ঘটনাটি ঘটে। আহতদের উদ্ধার করে নিয়ে আসা হয় তুফানগঞ্জ মহকুমা ওই দোকানগুলোকে সরিয়ে দিতে হবে বলে সূত্রের খবর।অন্যদিকে রেলের এই সিদ্ধান্তে স্বভাবতই মারাত্মক সমস্যায় পড়েছেন দোকানদাররা। সারি দিয়ে বেশির ভাগ খাবারের দোকানই বসতে তবের রেল উঠিয়ে দেওয়ায় ক্ষতির মুখে তাঁরা।দোকানদারদের তরফ থেকে স্থায়ী ব্যবস্থার দাবি জানানো হয়েছে রেলের কাছে নইলে আগামী দিনে বৃহত্তর আন্দোলনের হাশিয়ার দিয়েছেন তাঁরা।

আলিপুরদুয়ার : রায়গঞ্জ রেলস্টেশনের দুই নম্বর প্ল্যাটফর্মে ধার ঘেঁষে যেসমস্ত দোকানপাট ছিলো সেইসমস্ত দোকানপাট তুলে দিলো রেল।এদিন রেল পুলিশ এবং রেলের অধিকারিকের উপস্থিতিতে এই দোকানপাটগুলোকে সরিয়ে দেওয়া হয়।দির্ঘদিন ধরেই রেলের জায়গায় ওই দোকানগুলো বসেছিলো তবে রেলের উন্নয়নমূলক কাজের জন্যই ওই দোকানগুলোকে সরিয়ে দিতে হবে বলে সূত্রের খবর।অন্যদিকে রেলের এই সিদ্ধান্তে স্বভাবতই মারাত্মক সমস্যায় পড়েছেন দোকানদাররা। সারি দিয়ে বেশির ভাগ খাবারের দোকানই বসতে তবের রেল উঠিয়ে দেওয়ায় ক্ষতির মুখে তাঁরা।দোকানদারদের তরফ থেকে স্থায়ী ব্যবস্থার দাবি জানানো হয়েছে রেলের কাছে নইলে আগামী দিনে বৃহত্তর আন্দোলনের হাশিয়ার দিয়েছেন তাঁরা।

বিশ্ব পরিবেশ দিবস উপলক্ষে চিত্রাঙ্কন প্রতিযোগিতার আয়োজন শিলিগুড়ি : বিশ্ব পরিবেশ দিবস উপলক্ষে অংকন প্রতিযোগিতার আয়োজন। সোমবার শিলিগুড়ির যুটিয়া মার্কেটে স্থিত জেটিএস ক্লাব প্রাঙ্গনে এই প্রতিযোগিতার আয়োজন করা হয়। প্রতিযোগিতা স্থল পরিদর্শন করেন মেয়র গৌতম দেব ও ডেপুটি

মেয়র রঞ্জন সরকার সহ অন্যান্যরা। সেখানে উপস্থিত হয়ে প্রতিযোগীদের সঙ্গে কথা বলেন মেয়র ও ডেপুটি মেয়র। বিশ্ব পরিবেশ দিবস উপলক্ষে শাইন ফিউচার একাডেমীর উদ্যোগে এই অংকন প্রতিযোগিতার আয়োজন করা হয়। উদ্যোক্তাদের তরফে জানানো হয়েছে আগামী ১০ই জুন শিলিগুড়ি রামকিন্দর হলে এই প্রতিযোগিতায় অংশগ্রহণকারী বিজয়ীদের হাতে পুরস্কার তুলে দেওয়া হবে।

কর বকেয়া রাখার অভিযোগে ব্যক্তির সমস্ত সম্পত্তি বাজেয়াপ্ত করলো শিলিগুড়ি পুরনিলগম শিলিগুড়ি: কর বকেয়াকারীদের বিরুদ্ধে কড়া পদক্ষেপকার রমেশ রাথার অভিযোগে ব্যক্তির সমস্ত সম্পত্তি বাজেয়াপ্ত করলো শিলিগুড়ি পুরনিলগম।বাড়ি ও কর দেওয়ার পরই তাঁর সমস্ত সম্পত্তি রিলিজ করে পুরনিলগম।জানা গিয়েছে, শিলিগুড়ি পুরনিলগমের ৪১ নম্বর ওয়ার্ডের বাসিন্দা এক ব্যক্তি বেশ কয়েকবছর ধরে পুরনিলগমের সম্পত্তি কর জমা দেননি।প্রায় ৬ লক্ষ টাকারও বেশি কর বকেয়া হয় তার।পুরনিলগমের তরফে ৫ বার নোটিশ দেওয়া হলেও ওই ব্যক্তি কর দেননি।এরপরই পদক্ষেপ গ্রহণ করে পুরনিলগম।সোমবার পুরনিলগমের ট্যাক্স বিভাগের আধিকারিকরা পৌঁছে ব্যক্তির সম্পত্তি বাজেয়াপ্ত করে।এরপরই কর জমা দেন ব্যক্তিবকেয়া কর জমা করার পরই বাজেয়াপ্ত সম্পত্তি রিলিজ করা হয়।



সম্পাদকীয়

রোহিঙ্গা শরণার্থীদের মিয়ানমারে প্রত্যাবাসন করতে বাধ্য করা হচ্ছে এমন খবরে উদ্বেগ প্রকাশ করছেন রোহিঙ্গা শরণার্থীদের

লাদেশে আটকে থাকা রোহিঙ্গা শরণার্থীদের মিয়ানমারে ফেরত যাওয়ার জন্য বাংলাদেশ সরকার জোরপূর্বক নগদ প্রণোদনা দিচ্ছে বলে এক প্রতিবেদন প্রকাশ হবার পর, মানবাধিকার কর্মীরা উদ্বেগ প্রকাশ করেছেন।

জাতিসংঘের একজন সিনিয়র বিশেষজ্ঞ বলেছেন, রোহিঙ্গা শরণার্থীদের মিয়ানমারে ফেরত পাঠানোর জন্য বাংলাদেশকে পাইলট প্রত্যাবাসন প্রকল্প অবিলম্বে স্থগিত করতে হবে। প্রতিশোধের ভয়ে নাম পরিচয় প্রকাশে অনিচ্ছুক, বন্দোবস্তকারীদের দ্বারা ভীতি প্রদর্শন করা হচ্ছে বলেছেন, সপ্তাহ দুয়েক আগে, বাংলাদেশের কিছু সরকারি কর্মকর্তা আমাদের রোহিঙ্গা সম্প্রদায়ের বেশ কয়েকজন সদস্যকে মিয়ানমারে না ফিরলে সহিংসতার হুমকি দিয়েছেন। জাতিসংঘের মানবাধিকার বিষয়ক হাইকমিশনারের কার্যালয় গত ৮ই জুন জারি করা এক সংবাদ বিজ্ঞপ্তিতে, মিয়ানমারের মানবাধিকার বিষয়ক বিশেষ রিপোর্টার টম আন্ড্রুজ বলেছেন, এমন প্রতিবেদন সামনে এসেছে যে, বাংলাদেশি কর্তৃপক্ষ রোহিঙ্গা শরণার্থীদের মিয়ানমারে ফিরে যেতে বাধ্য করার জন্য প্রত্যাবাসন ও জবরদস্তিমূলক ব্যবস্থা গ্রহণ করছে।



রোহিঙ্গা শরণার্থীদের নিরাপদ, মর্যাদাপূর্ণ, টেকসই এবং স্বেচ্ছায় প্রত্যাবর্তনের জন্য উপযোগী হতে হবে। তাই আমি অবিলম্বে প্রত্যাবাসন পাইলট প্রোগ্রাম স্থগিত করার জন্য বাংলাদেশকে অনুরোধ করছি।

রোহিঙ্গাদের মিয়ানমারে ফেরত পাঠানোর জন্য এর আগেও, ২০১৮ এবং ২০১৯ সালে দু'বার চেষ্টা করা হয়। কিন্তু দু'বারই সেই প্রচেষ্টা ব্যর্থ হওয়ার পর, আবারও মিয়ানমার এবং বাংলাদেশ প্রায় ১,১০০ রোহিঙ্গা শরণার্থীকে প্রত্যাবাসনের জন্য নতুন করে আরেকটি প্রচেষ্টা চালিয়ে যাচ্ছে। তবে গত দুই সপ্তাহ ধরে, এটি প্রকাশ্যে এসেছে যে, বর্তমান পরিস্থিতি বিবেচনা করে রোহিঙ্গারা মিয়ানমারে ফিরে যেতে ইচ্ছুক নয়। তারপরও বাংলাদেশি কর্মকর্তারা জবরদস্তিমূলক কৌশল অবলম্বন করছেন। সোমবার নাম প্রকাশে অনিচ্ছুক এক রোহিঙ্গা শরণার্থী ডিওএকে বলেছেন, দুই সপ্তাহ আগে, কিছু বাংলাদেশের সরকারি কর্মকর্তা কয়েকজন প্রত্যাবাসন প্রার্থীকে মিয়ানমারে ফেরত পাঠানোর কথা বলেছিলেন যে, প্রতিটি রোহিঙ্গা পরিবার যদি তারা মিয়ানমারে প্রত্যাবাসন করে, তবে তাদেরকে দুই হাজার ডলার করে দেওয়া হবে। তবে, রোহিঙ্গারা জানিয়েছেন, তারা বর্তমানে মিয়ানমারে ফিরে যেতে ভয় পাচ্ছেন। কল্পবাজারভিত্তিক রোহিঙ্গা সম্প্রদায়ের নেতা ও মানবাধিকার রক্ষাকারী এইচটওয়ে লুইন বলেছেন, বাংলাদেশে উন্নয়নের অবর্ণনীয় কষ্টের সম্মুখীন হচ্ছে, এবং তারা সবাই মিয়ানমারে তাদের আদি ভূমিতে ফিরে যেতে চায়, যদি কেবল সরকার সরকারীভাবে এই সম্প্রদায়টিকে সৎসদে রোহিঙ্গা হিসাবে সনাক্ত করে। জাতিসভা বলে স্বীকৃতি দেয়। লুইন ডিওএকে বলেছেন, আমরা প্রত্যাবাসন প্রক্রিয়ার উপর জোর দিয়েছি, যার মধ্যে রয়েছে রোহিঙ্গাদের সিংহভাগের আইডিপি অভ্যন্তরীণভাবে বাহ্যিক ব্যক্তিদের শিবির থেকে তাদের মূল গ্রামে পুনর্বাসন করা, তাদের পূর্ণ নাগরিকত্বের অধিকার দেওয়া, তাদের নিরাপত্তা, ধর্মীয় স্বাধীনতা, এবং চলাফেরার স্বাধীনতা, সেইসাথে শিক্ষা ও স্বাস্থ্যের অধিকার নিশ্চিত করা। ঠিক যেই রকম অধিকার মিয়ানমারের অন্য ১৩৫টি জাতিগত গোষ্ঠী ভোগ করছে। ২০১৭ সালের সহিংসতায় লক্ষাধিক রোহিঙ্গা বাহ্যিক হয়ে যাবার পর, মিয়ানমার কর্তৃপক্ষ তাদের অনেককে সিংহগরেতে একটি উন্মুক্ত বন্দী শিবিরে আটকে রাখে, যেখানে তাদের মধ্যে এক লাখ ৩০ হাজার রোহিঙ্গা এখনও অবমাননাকর এবং অবহেলিত অবস্থায় বাস করছে। কল্পবাজারে বাংলাদেশের শরণার্থী ত্রাণ ও প্রত্যাবাসন কমিশনার মোহাম্মদ মিজানুর রহমান মদলবার বলেছেন, প্রত্যাবাসন সংক্রান্ত প্রস্তুতি এখনো প্রক্রিয়াধীন। রহমান ডিওএকে বলেন, এটা সত্য নয় যে, রোহিঙ্গাদের মিয়ানমারে ফিরে যেতে বাধ্য করা হচ্ছে। এছাড়া মিয়ানমারে ফিরে যাওয়ার জন্য কাউকেই আমরা নগদ প্রণোদনা দিইনি। এইচআরডব্লিউএর রবার্টসন বলেছেন, মিয়ানমারের রাজ্য প্রশাসনিক পরিষদ জান্তা রোহিঙ্গাদের স্বেচ্ছায় প্রত্যাবর্তনের মূল দাবিগুলোর কোনো সমাধান করতে সক্ষম হতে পারেনি। কিন্তু রোহিঙ্গারা জানে যে, যদি তারা তাতমাদোর নিয়ন্ত্রণে মিয়ানমারে ফিরে যায়, তাহলে আবারও সেই নৃশংসতার মুখোমুখি হতে হবে, ঠিক যেমনটা ২০১৭ সালে রাখাইন রাজ্য থেকে তাদের হত্যা, ধর্ষণ এবং ঘরবাড়ি পুড়িয়ে দিয়ে তাড়িয়ে দেয়া হয়েছিল।

মনোনয়নের শেষ দিনে শুধুই মন্ত্রাস, গুলিবোমা, মৃত চার

শেষ দিনেও বহু জায়গায় বিরোধীদের মনোনয়নপত্র জমা দিতে দেখা হলে না। গুলি, বোমার বৃষ্টি। মৃত চার। হাইকোর্টের নির্দেশ, পুলিশ প্রার্থীদের নিয়ে বাবে।

তৃণমূল কংগ্রেসের কর্মীদের তাওবে পশ্চিমবঙ্গের বিভিন্ন জায়গায় শেষদিনেও মনোনয়ন পেশ করতে পারলেন না বিরোধী প্রার্থীরা। বিভিন্ন জায়গায় বিরোধীদের আটকাতে সমানে গুলি চলেছে। বোমা পড়েছে। বামকংগ্রেস প্রার্থীরা একজোট হয়ে মনোনয়নপত্র জমা দিতে গিয়ে বেধড়ক মার খেয়েছেন। এভাবে গায়ের জোরে প্রতিদ্বন্দ্বীদের ঠেকিয়ে লড়াই ছাড়াই তৃণমূল জিততে চেয়েছে বলে অভিযোগ উঠেছে।

বৃহস্পতিবার সন্ধ্যার বলি হয়েছেন চারজন। চোপড়ায় সিপিএম কর্মী মারা গেছেন। আর ভাঙড়ে মারা গেছেন তিনজন, দুইজন আইএসএফের এক কর্মী এবং একজন তৃণমূল কর্মী। আইএসএফ দাবি করেছে, তাদের তিনজন কর্মীর মৃত্যু হয়েছে। সিপিএম নেতা বিমান বসুর দাবি, চোপড়ায় দুইজন সিপিএম কর্মী মারা গেছেন। তাদের দাবি সত্যি হলে মৃতের সংখ্যা বেড়ে দাঁড়াবে হয়।

মনোনয়নপত্র জমা দিতে না পেরে বিভিন্ন জেলা থেকে প্রার্থীরা মরিয়া হয়ে কলকাতা হাইকোর্টে চলে যান। সেখানে সিপিএমআইএসএফের একটি আবেদনের শুনানিও ছিল। প্রধান বিচারপতি নির্দেশ দেন, কলকাতা পুলিশ প্রার্থীদের এসকট করে নিয়ে গিয়ে মনোনয়নপত্র জমা দেয়ার ব্যবস্থা করবে। ক্যানিং, ভাঙড়, কাশীপুর, বসিরহাট থেকে প্রার্থীরা হাইকোর্টে এসেছিলেন। তবে এই নির্দেশ যখন এসেছে, তার এক ঘণ্টার সামান্য পরেই মনোনয়নপত্র জমা দেয়ার সময় শেষ হওয়ার কথা।

কংগ্রেস সভাপতি অধীর চৌধুরী কমিশনকে চিঠি লিখে দাবি জানিয়েছেন, শুক্রবারও মনোনয়নপত্র পেশ করতে দিতে হবে। হাইকোর্টের বিচারপতি মাছা নির্দেশ দিয়েছিলেন, ভাঙড়ে ৮-২ জন আইএসএফ প্রার্থীকে পুলিশ নিরাপত্তা দিয়ে মনোনয়নপত্র জমা দিতে নিয়ে যাবে। পুলিশ যখন তাদের নিয়ে যাচ্ছিল, তখন সোদপুর বাজার এলাকায় দুকুতীরা তাদের ঘিরে ধরে। পুলিশ চলে যায় বলে অভিযোগ। দুকুতীরা আইএসএফের প্রার্থীদের উপর হামলা চালায়।

বিরোধীদের অভিযোগ, হাইকোর্টের নির্দেশ অমান্য করেছে পুলিশ প্রশাসন। পুলিশ প্রহারের মধ্যে কী করে প্রার্থীদের উপর হামলা হয়। পরে তারা বিডিও অফিসে এসে পৌঁছান। বিকেল পাঁচটার সময় ভাঙড়ের বিডিও আইএসএফের প্রার্থীদের মনোনয়নপত্র পেশ করতে অনুমতি দেন।

চোপড়ার ঘটনা উত্তর দিনাজপুরে চোপড়ায় বামকংগ্রেস প্রার্থীরা বৃহবার পর্তু মনোনয়নপত্র পেশ করতে পারেননি। বৃহস্পতিবার তারা সবাই মিলে মিছিল করে যাচ্ছিলেন মনোনয়নপত্র পেশ করতে। কাঁঠালবাড়িতে তাদের মিছিল আক্রান্ত হয়। অভিযোগ, তৃণমূলের কর্মীরা



গুলি চালায়। টিভিতে দেখা যায়, রড, লাঠি, মোটা গাছের ডাল নিয়ে বাম ও কংগ্রেস প্রার্থীদের মারা হয়। তারপর গুলি চলে।

আহতদের কাঁধে করে হাসপাতালের দিকে নিয়ে যান বামকংগ্রেস কর্মীরা। তিনজন আহতকে ইসলামাবাদ হাসপাতালে নিয়ে যাওয়া হয়। তাদের শরীরে গুলি লেগেছিল। তার মধ্যে একজনের মৃত্যু হয়। অন্য দুইজনের আঘাত গুরুতর। এই তিনজন ছাড়াও আরো বেশ কয়েকজন আহত হয়েছেন।

হাসপাতালে ভর্তি এক আহত বলেছেন, “আমরা মিছিল করে যাচ্ছিলাম। তৃণমূল আক্রমণ করলো। ওরা আমাদের যেতে মানা করছিল। বড় বড় বন্দুক দিয়ে গুলি করলো। আমরা এবং আমার ভাইপোর গুলি লেগেছে।”

বাম ও কংগ্রেস কর্মীরা মিছিল করে যাচ্ছিলেন, কিন্তু তার ধারেকাছে কোনো পুলিশ ছিল না। ঘটনার পর পুলিশের তরফ থেকে জানানো হয়, ইসলামপুর থেকে পুলিশ পাঠানো হয়।

প্রদেশ কংগ্রেস সভাপতি অধীর রঞ্জন চৌধুরী বলেছেন, “এটা খুনি তৃণমূলের আক্রমণ। চোপড়াতে দশজন কংগ্রেস নেতাকে অপহরণ করে একটা স্কুলে আটকে রাখা হয়। আমি কমিশনকে চিঠি লিখে বলেছিলাম, চোপড়ার অবস্থা অগ্রগর্ভ।”

সিপিএম নেতা সুজন চক্রবর্তী বলেছেন, “বিডিও অফিসের ভিতরে তৃণমূলের কর্মীরা বসে আছে। বিভিন্ন জায়গায় সিপিএম কর্মীদের গ্রামে আটকে দেয়া হয়েছে। গুলিবন্দুক ছাড়া তৃণমূলের কাছে আর কিছু নেই।”

তৃণমূলের চোপড়ার বিধায়ক হামিদুল রহমানের দাবি, “বামেদের দুই গোষ্ঠীর গোলমালের জেঁরে গুলি চলেছে। বিরোধীরা নাটক করছে।”

সাবেক পুলিশ কর্তা সলিল ভট্টাচার্য বলেছেন, মনোনয়নের প্রথম দিন হত্যা দিয়ে শুরু হয়েছিল। মনোনয়নপত্র পেশ করার শেষদিনেও তাই। বলা হয়েছিল, বিডিও অফিসের সামনে ১৪৪ ধারা থাকবে। সেটা তো প্রহসনে পরিণত হয়েছে।” তিনি বলেছেন, একটা অসহনীয় নীরবতার মধ্যে দিয়ে রাজ্য নির্বাচন কমিশন কাজ করছে। তাদের কোনো হেলদোল নেই। বিরোধীদের কোনো জায়গা নেই। আদালত আর কত করবে। আদালত তো আর মনোনয়ন দাখিল করতে পারবে না। মানুষকে বোকা বানাতে ড্রোন দেখানো হচ্ছে। মানুষ অসহায়।”

ভাঙড়। বিডিও অফিস ঘিরে রেখেছিল তৃণমূলের কর্মীরা। তারা প্রকাশ্যে বলেছে, আইএসএফ প্রার্থীকে মনোনয়নপত্র পেশ করতে দেয়া হবে না।

বৃহস্পতিবার শেষদিনেও একই ঘটনা ঘটেছে। বিডিও অফিসের সামনের এলাকা শাসন করেছে তৃণমূল কর্মীরা। সমানে বোমা পড়েছে। সকাল থেকে এই পরিস্থিতি ছিল ভাঙড়ে। প্রচুর পুলিশ মোতায়েন করা হলেও বহু প্রার্থী মনোনয়নপত্র পেশ করতে পারেনি বলে বিরোধীদের অভিযোগ। বিডিও অফিসের সামনে সমানে বোমা পড়ে। গুলি চালানো হয়। কোনো বিরোধী মনোনয়নপত্র জমা দিতে পারেননি।

আদালতে ভর্ষিষত কমিশন নির্বাচন কমিশন কেন্দ্রীয় বাহিনী নিয়োগ করি নিয়ে কলকাতা হাইকোর্টে গিয়েছিল। কমিশনের বক্তব্য ছিল, তারা কোনো জেলাকেই স্পর্শকাতর বলে মনে করছে না। প্রধান বিচারপতি বলেন, “আমরা কি গোটা রাজ্যেই কেন্দ্রীয় বাহিনী নামাতে বলব? আমরা একটা নির্দেশ দিয়েছি। আমরা নজর রাখছি। নির্দেশ মানা না হলে উপযুক্ত ব্যবস্থা নেব। নির্দেশ ফেলে রাখার জন্য দেয়া হয়নি।”

প্রধান বিচারপতি বলেছেন, “চাইলে সর্বোচ্চ আদালতে যেতে পারেন।” আক্রান্ত সাংবাদিকরাও পঞ্চায়েতে নির্বাচনের মনোনয়নকে কেন্দ্র করে সবমিলিয়ে তিনজন মারা গেলেন। প্রচুর মানুষ আহত হয়েছে। বৃহস্পতিবার চোপড়ার মিছিলেই বহু মানুষ আহত হয়েছেন।

ভাঙড়ে অন্তত দুইজন সাংবাদিক আহত হয়েছেন। বহু জায়গায় সাংবাদিক ও চিত্রসাংবাদিকদের ভয় দেখানো হয়েছে। হাতের বুম কেড়ে মাটিতে ফেলে দেয়া হয়েছে। ছবি তুলতে দেয়া হয়নি।

ভাঙড়ের বিজয়গঞ্জ বাজারে সাংবাদিকদের লক্ষ্য করে গুলি চালানো হয়েছে। সমানে বোমা মারা হয়েছে। বারবার তেড়ে যাওয়া হয়েছে সাংবাদিক ও চিত্রসাংবাদিকদের দিকে। তাদের অপরাধ, তারা গাড়িতে আগুন ছালানোর ছবি, সন্ত্রাসের ছবি দেখাচ্ছিলেন।

পুলিশ সব দেখেও প্রথমে পিছনে চলে যায়। তারপর কিছুক্ষণ পর এসে অন্য গলি দিয়ে বেরিয়ে যায়।

মুখ্যমন্ত্রীর দাবি মুখ্যমন্ত্রী মমতা বন্দ্যোপাধ্যায়ের দাবি, “এই হিংসার সঙ্গে তৃণমূল জড়িত নয়। চোপড়ায় সিপিএম সব কিছু করেছে। ভাঙড়ে আইএসএফ। আমরা বন্দনা চাই না। কিন্তু সবকিছু একতরফা হবে না।”

পার্লামেন্টের পাশে রুশ দূতাবাস তৈরি নিষিদ্ধ অস্ট্রেলিয়ায়



আইন পাস করে রাশিয়ার নতুন দূতাবাস তৈরি নিষিদ্ধ ঘোষণা করলো অস্ট্রেলিয়া। ক্যানবেরায় পার্লামেন্ট ভবনের কাছে এই দূতাবাস হচ্ছিল। অস্ট্রেলিয়ার বক্তব্য, তাদের পার্লামেন্ট হাউসের কাছে রাশিয়ার দূতাবাস থাকা মানে তা বিপদের কারণ। অস্ট্রেলিয়ার প্রধানমন্ত্রী অ্যান্থনি আলবানিজ বৃহস্পতিবার বলেছেন, “নিরাপত্তা বাহিনীর রিপোর্টের ভিত্তিতে এই সিদ্ধান্ত নেয়া হয়েছে। পার্লামেন্ট ভবনের কাছে রাশিয়াকে দূতাবাস বানানোর জন্য যে জমি লিজে দেয়া হয়েছিল, তা বাতিল করা হয়েছে। পার্লামেন্টে পেশ করার দুই ঘণ্টার মধ্যেই দুইটি কক্ষেই তা পাস হয়ে যায়।” ওই জমিতে রাশিয়ার দূতাবাস বানানোর কাজ চলছিল। গতমাসে ফেডারেল কোর্টে এই বিষয়ে একটি মামলায় রায় রাশিয়ার পক্ষে যায়। স্থানীয় ক্যানবেরা কর্তৃপক্ষ এর আগে লিজে বাতিল করেছিল। তাদের যুক্তি ছিল, ২০০৮-এ জমি লিজে দেয়া হয়েছিল। কিন্তু দীর্ঘদিন ধরে রাশিয়া তা

সাময়িকী

এখনই ন্যাটোয় নয় সুইডেন: প্রদায়ান

তুরস্ক বিরোধী শক্তির বিরুদ্ধে এখনো যথেষ্ট পদক্ষেপ নেয়নি সুইডেন। ফের

তোপ দাগলেন এর্দোয়ান। এখনই তারা সুইডেনকে সমর্থন করবেন না।

তুরস্কের প্রেসিডেন্ট রেচেপ তাইয়েপ এর্দোয়ান আজারবাইজান সফরে গেছিলেন। সেখান থেকে ফিরে এসে তিনি

সাংবাদিকদের মুখোমুখি হয়েছিলেন। সেখানেই সুইডেনের ন্যাটোয় যোগ দেয়া প্রসঙ্গে একাধিক মন্তব্য করেছেন তুরস্কের প্রেসিডেন্ট।

বস্তুত, একই সময়ে আঙ্কারায় সুইডেন, তুরস্ক এবং ন্যাটোর প্রতিনিধিদের মধ্যে বৈঠক চলছে। সুইডেনের ন্যাটোয় যোগ দেয়া প্রসঙ্গেই এই আলোচনা।

এর্দোয়ান জানিয়েছেন, তার বক্তব্য সুইডেন এবং ন্যাটোর প্রতিনিধিদের কাছে পরিষ্কার করে দেওয়া হয়েছে। আপাতত সুইডেনের পক্ষে ভোট দিচ্ছে না তুরস্ক। কিছুদিনের মধ্যেই লিথুয়ানিয়ায় অ্যালয়োন লিডার বৈঠক আছে। সেখানে সুইডেনের প্রতি সমর্থন জানাবে না তুরস্ক, স্পষ্ট করে দিয়েছেন তুরস্কের প্রেসিডেন্ট।

এর্দোয়ান জানিয়েছেন, সুইডেন সন্ত্রাসবাদী আদর্শে পরিবর্তন এনেছে কিন্তু তা যথেষ্ট নয়। সুইডেনে বসবাসকারী তুরস্কবিরোধী শক্তির বিরুদ্ধে এখনো যথেষ্ট ব্যবস্থা নেয়া হয়নি। তাদের শ্রেণ্ডার করা হয়নি। প্রেসিডেন্টের অভিযোগ, সুইডেনে এখনো পিকেলে সমর্থকেরা বহাল তবিয়তে ঘুরে বেড়াচ্ছে। এর থেকেই প্রমাণিত হয়, সুইডেন পিকেলে সমর্থকদের শ্রেণ্ডার করতে খুব বেশি উৎসাহী নয়। সুইডেন তাদের বিরুদ্ধে ব্যবস্থা না নিলে তুরস্ক সুইডেনের পক্ষে ভোট দেবে না।

কার্যত তুরস্কের উপরেই আপাতত নির্ভর করছে সুইডেনের ন্যাটোয় যোগদান। অন্য সমস্ত রাষ্ট্র সমর্থন করলেও তুরস্ক সুইডেনের পক্ষে ভোট দেয়নি। তৃতীয়বার প্রেসিডেন্ট নির্বাচিত হওয়ার পর মনে হয়েছিল এর্দোয়ান এবিষয়ে কিছুটা নমনীয় হবেন। কিন্তু প্রেসিডেন্টের এদিনের বক্তব্য থেকে স্পষ্ট, বিষয়টি নিয়ে তিনি নিজের অবস্থান এখনো পরিবর্তন করেননি।

আদালতে ভর্ষিষত কমিশন নির্বাচন কমিশন কেন্দ্রীয় বাহিনী নিয়োগ করি নিয়ে কলকাতা হাইকোর্টে গিয়েছিল।

কমিশনের বক্তব্য ছিল, তারা কোনো জেলাকেই স্পর্শকাতর বলে মনে করছে না। প্রধান বিচারপতি বলেন, “আমরা কি গোটা রাজ্যেই কেন্দ্রীয় বাহিনী নামাতে বলব? আমরা একটা নির্দেশ দিয়েছি। আমরা নজর রাখছি। নির্দেশ মানা না হলে উপযুক্ত ব্যবস্থা নেব। নির্দেশ ফেলে রাখার জন্য দেয়া হয়নি।”

প্রধান বিচারপতি বলেছেন, “চাইলে সর্বোচ্চ আদালতে যেতে পারেন।” আক্রান্ত সাংবাদিকরাও পঞ্চায়েতে নির্বাচনের মনোনয়নকে কেন্দ্র করে সবমিলিয়ে তিনজন মারা গেলেন। প্রচুর মানুষ আহত হয়েছে। বৃহস্পতিবার চোপড়ার মিছিলেই বহু মানুষ আহত হয়েছেন।

ভাঙড়ে অন্তত দুইজন সাংবাদিক আহত হয়েছেন। বহু জায়গায় সাংবাদিক ও চিত্রসাংবাদিকদের ভয় দেখানো হয়েছে। হাতের বুম কেড়ে মাটিতে ফেলে দেয়া হয়েছে। ছবি তুলতে দেয়া হয়নি।

ভাঙড়ের বিজয়গঞ্জ বাজারে সাংবাদিকদের লক্ষ্য করে গুলি চালানো হয়েছে। সমানে বোমা মারা হয়েছে। বারবার তেড়ে যাওয়া হয়েছে সাংবাদিক ও চিত্রসাংবাদিকদের দিকে। তাদের অপরাধ, তারা গাড়িতে আগুন ছালানোর ছবি, সন্ত্রাসের ছবি দেখাচ্ছিলেন।

পুলিশ সব দেখেও প্রথমে পিছনে চলে যায়। তারপর কিছুক্ষণ পর এসে অন্য গলি দিয়ে বেরিয়ে যায়।

মুখ্যমন্ত্রীর দাবি মুখ্যমন্ত্রী মমতা বন্দ্যোপাধ্যায়ের দাবি, “এই হিংসার সঙ্গে তৃণমূল জড়িত নয়। চোপড়ায় সিপিএম সব কিছু করেছে। ভাঙড়ে আইএসএফ। আমরা বন্দনা চাই না। কিন্তু সবকিছু একতরফা হবে না।”

পাঠকের চিঠি

হরিনার মুক্তেশ্বর ধাম তীর্থে পরিণত হতে চলেছে

আজ ১৫ ই জুন অর্থাৎ রজ সংক্রান্তির আগের দিন আজ থেকে ঝাড়খন্ডের বিখ্যাত হরিনা পরব ও হরিনা মেলা শুরু হচ্ছে। আজ থেকে প্রায় ৪০০ বছর আগে হরিনাতে শিব বাবার মহিমা প্রকাশ হয়েছিলো। একটি দুধেল গাভীর মধ্য দিয়ে। ১৮৫৬ সাল থেকে নিয়মিত ভাবে বাবার পূজো শুরু হয়েছে। বাবার মন্দির ছাড়াও মা কালীর মন্দির, গণেশের মন্দির, হরি মন্দির, হনুমান মন্দির, গুহা মন্দির, মা পাউড়ি মন্দির, যজ্ঞ কুন্ড, ধূনি কুন্ড, মোহন বাবার সমাধি মন্দির, জাহের থান, তোরণ দ্বার আদি হরিনার মুক্তেশ্বর ধামের শোভা বাড়িয়েছে। মুক্তির ধাম বলেই নাম পড়েছে মুক্তেশ্বর ধাম। মুক্তেশ্বর ধামের বার্ষিক উৎসব হলো রজ উৎসব যা জেষ্ঠ সংক্রান্তি তে অনুষ্ঠিত হয়। আজ ১৫ ই জুন অর্থাৎ আজ জাগরণের দিন। আজ হরিনা গ্রামে বাবার জাগরণ হবে। রাত্রে জাম ডালি, গরিয়ান ভার, ছো নুতা হলে। আগামী কাল অর্থাৎ ১৬ ই জুন রজ সংক্রান্তি। উৎসবের মূল দিনসকালে ভগতারা ভগতা পুকুরে চান করে পাট ভোগটা কে নিয়ে মহাদেব শালে,, দেব দেব মহাদেব, শিব শঙ্কর ভোলানাথ, কাশিরে বিশেষশ্বর, গয়ারে গদাধর এই রব করতে করতে আসবে ও বিধিবত বাবার শুরু হবে। ১৬ তারিখ থেকে মেলা শুরু হয়ে যায় যা এক সপ্তাহ ধরে চলে। ঝাড়খন্ড ছাড়াও উড়িষ্যা, পশ্চিম বাংলা ও বিহার থেকেও ভক্ত ও পর্যটকেরা বহু সংখ্যায় আসে। বেচা কেনা, আনন্দ অনুষ্ঠান, পূজা পাঠে মেতে উঠে সারা মুক্তেশ্বর ধাম। আজ এই মুক্তেশ্বর ধাম ভক্তি ও আস্থার কেন্দ্র হয়ে উঠেছে ও তীর্থের রূপ নিতে চলেছে। হরিনা পরব ও হরিনা মেলা উপলক্ষে সকল শিব ভক্তদের ও এলাকার ভাই ও বোনদের জানাই প্রীতি, শুভেচ্ছা ও ভালোবাসা। হরিনা মেলা ভালো ভাবে সম্পন্ন হউক হরিনা বাবার কাছে এই প্রার্থনা করি।



সুনীল কুমার দে, পোঁতা

ফিফার বর্ণবাদবিরোধী কমিটির প্রধান ভিনিসিয়ুস



প্যারিস (ওয়েবডেস্ক) : ফুটবল তথা ক্রীড়াঙ্গনে বর্ণবাদের খাবা অনেক পুরোনো। নানা চেষ্টা ও উদ্যোগের পরও ফুটবলকে বর্ণবাদমুক্ত করা সম্ভব হয়নি। বরং বিভিন্ন সময় এই আক্রমণ সব সীমা ছাড়িয়ে যেতে দেখা গেছে। সদ্য শেষ হওয়া মৌসুমেও ভিনিসিয়ুস জুনিয়রকে কেন্দ্র করে ফের মাথাচাড়া দিয়ে ওঠে বর্ণবাদ। মৌসুমের শুরু থেকেই প্রতিপক্ষ সমর্থকদের কাছ থেকে বর্ণবাদী আক্রমণের শিকার হতে হয় ব্রাজিলিয়ান এই উইল্ডারকে। তবে বিষয়টি আরও তীব্র হয় মৌসুমের শেষ দিকে রিয়াল মাদ্রিদ বনাম ভ্যালেন্সিয়া ম্যাচে। সেদিন ভিনির বিরুদ্ধে হওয়া বর্ণবাদী আচরণের প্রতিবাদে ফুসে ওঠে ফুটবলবিশ্ব। ফিফা সভাপতি জিয়ান্নি ইনফান্তিনো থেকে শুরু করে বাংলাদেশের সানজিদা খাতুন পর্যন্ত সবাই ভিনিকে সমর্থন করে নিজেদের অবস্থান জানান।

সে ধারাবাহিকতায় এবার ফিফার বর্ণবাদবিরোধী কমিটির প্রধান বানানো হয়েছে ভিনিকে। খেলোয়াড়দের নিয়ে গঠিত বিশেষ এই কমিটি ফুটবলে বৈষম্যমূলক আচরণের ঘটনায় কঠোর শাস্তির পরামর্শ দেবে। বার্তা সংস্থা রয়টার্সকে বিশেষ এই কমিটির কথা নিশ্চিত করেছেন ফিফা সভাপতি ইনফান্তিনো। ব্রাজিল জাতীয় দল ও ভিনিসিয়ুসের সঙ্গে বৈঠকের পর ফিফা সভাপতি বলেছেন, 'ফুটবলে আর কোনো বর্ণবাদ থাকবে না। এটা হলেই ম্যাচ বন্ধ করে দেওয়া হবে। অনেক হয়েছে।' ভিনিসিয়ুসের সঙ্গে আলোচনা করেছেন জানিয়ে ইনফান্তিনো বলেছেন, 'আমি ভিনিসিয়ুসকে বলেছি খেলোয়াড়দের দলটির নেতৃত্ব দিতে, যারা বর্ণবাদের বিরুদ্ধে কঠোর শাস্তির প্রস্তাব করবে। যা পরে বিশ্বব্যাপী ফুটবল কর্তৃপক্ষগুলো বাস্তবায়ন করবে। আমাদের খেলোয়াড়দের কথা শুনতে হবে। নিরাপদ পরিবেশের জন্য আমাদের কী দরকার, তা জানতে হবে। আমরা এ বিষয়টি নিয়ে খুবই মনোযোগী।'

লন্ডা সময় ধরে বর্ণবাদ ফুটবল অঙ্গনে মাথাবাতার কারণ হলেও সেটি দূরীকরণে কোনো উদ্যোগই খুব একটা ফল বয়ে আনেনি। ফিফা



অবশ্য এবার কঠোর অবস্থান নেওয়ার কথা বলছে। ইনফান্তিনো বলেছেন, 'আমাদের আরও কঠোর শাস্তির প্রয়োজন। ফুটবলে বর্ণবাদ আমরা আর সহ্য করব না। ফিফা সভাপতি হিসেবে আমি ভিনিসিয়ুসের সঙ্গে কথা বলার প্রয়োজনীয়তা অনুভব করেছি।' এর আগে ভ্যালেন্সিয়ার মাঠে ভিনির বিরুদ্ধে হওয়া বর্ণবাদী আচরণের তাৎক্ষণিক প্রতিবাদ জানান ইনফান্তিনো। তিনি তখন বলেছিলেন, 'ভিনিসিয়ুসের সঙ্গে পূর্ণ সংহতি প্রকাশ করছি। ফুটবল বা সমাজে বর্ণবাদের স্থান নেই। যেসব খেলোয়াড় এ ধরনের পরিস্থিতিতে পড়বে, ফিফা তাদের পাশে থাকবে। ভ্যালেন্সিয়ারিয়াল মাদ্রিদ ম্যাচের ঘটনাগুলো দেখাচ্ছে যে বিষয়টি এভাবেই হওয়া দরকার। যে কারণে ফিফা প্রতিযোগিতায় তিনখাপ প্রক্রিয়া চালু আছে, যা সব ধরনের ফুটবলে প্রচলনের পরামর্শও দেওয়া হয়েছে।'

ভিনিসিয়ুসের ঘটনার পর ব্রাজিলও বর্ণবাদ সোচ্চার হয়েছে। এরই মধ্যে ভিনিসিয়ুসের নামে আইনও অনুমোদন পেয়েছে ব্রাজিলে। ব্রাজিলের রিও ডি জেনিরোর আইনপ্রণেতারা ফুটবল ম্যাচে হওয়া বর্ণবাদী আচরণ কমানোর লক্ষ্যে আইনটি অনুমোদন করেছেন। যে আইনটি এখন 'ভিনিসিয়ুস জুনিয়র ল (আইন)' নামে পরিচিত আছে। নতুন এই আইনের অনুমোদন দেওয়া নিয়ে আইনের খসড়া লেখক রাজার ডেপুটি প্রফেসর জোসেমার বলেছিলেন, 'ভিনিসিয়ুসের সঙ্গে যে ধরনের আচরণ করা হয়েছে, তার পরিপ্রেক্ষিতে সম্মান নিশ্চিত করার জন্য এ ধরনের আইনের প্রয়োজন ছিল। তা ছাড়া স্টেডিয়ামে বর্ণবাদ দূর করার জন্যও এমন উদ্যোগ নেওয়া প্রয়োজনীয় হয়ে পড়েছিল।'

এবারের লা লিগা মৌসুমে পাঁচবার বর্ণবাদী আক্রমণের শিকার হয়েছেন ভিনিসিয়ুস শুধু এটুকুই নয়, ভিনির সঙ্গে হওয়া বর্ণবাদী আচরণের প্রতিবাদে প্রীতি ম্যাচও খেলতে যাচ্ছে ব্রাজিল। ১৭ জুন বার্সেলোনায় প্রথম ম্যাচে ব্রাজিলের প্রতিপক্ষ গিনি এবং ৩ দিন পর ২০ জুন লিসবনে দ্বিতীয় ম্যাচের প্রতিপক্ষ সেনেগাল।

মেসির দ্রুততম গোলে বিশ্ব চ্যাম্পিয়ন আর্জেন্টিনার দারুণ জয়

প্যারিস : অস্ট্রেলিয়ার লক্ষ্য ছিল বিশ্বকাপে হারের প্রতিশোধ। ম্যাচের আগে নিজেদের সেই লক্ষ্যের কথা ঘটা করে বলেছেও তারা। কিন্তু কিসের আর প্রতিশোধ! খেলা শুরু হতে দেড় মিনিট পার হওয়ার আগেই ম্যাচের ভাগ্য লিখে দেন লিওনেল মেসি। ৭৯ সেকেন্ডেই অস্ট্রেলিয়ান রক্ষণকে বিবশ বানিয়ে ডিবল্লের বাইরে থেকে দারুণ এক শটে লক্ষ্যভেদ করেন আর্জেন্টাইন অধিনায়ক। এটি মেসির ক্যারিয়ারে দ্রুততম গোলে। শুধু গোলে করেই নয়, ডিবল্লিংয়ের চিরচেনা জাদুতেও এদিন মুগ্ধতা ছড়িয়েছেন বিশ্বকাপজয়ী এই মহাতারক। মেসির জাদুকরি দিনে আর্জেন্টিনার ২-০ গোলের জয়ে পরের গোলেটি করেন গেরমান পাৎসেয়া।

বেইজিংয়ের ওয়ার্কাস স্টেডিয়ামে মেসিদের অবশ্য জার্সিতে নাম দেখে চেনার উপায় ছিল না। সবার জার্সিতেই নাম লেখা ছিল চীনা ভাষায়। চিনতে হচ্ছিল জার্সি নম্বরে। মেসিকে চিনতে অবশ্য নম্বর, নাম না হলেও চলে, পায়ের জাদুই যে যথেষ্ট!

সেই বাঁ পায়ের জাদুতে আর্জেন্টিনার এগিয়ে যেতে সময় লাগে মাত্র ২ মিনিট। অস্ট্রেলিয়ান ডিফেন্ডার ম্যাথিউ লেকির ভুলে বল পান এনজো ফার্নান্দেজ। সেলসি তারকা বল বাডান মেসিকে উদ্দেশ্য করে। ডিবল্লের একটু বাইরে বল পেয়ে ট্রেভার্কের বার্কানো শটে বল জালে জড়ান আর্জেন্টাইন অধিনায়ক। মেসির এই গোলেই আর্জেন্টিনা এগিয়ে যায় ১-০ গোলে। শুরুতে এগিয়ে গিয়ে আরও উজ্জীবিত হয়ে ওঠে আর্জেন্টিনা। পরের কিছু সময় অস্ট্রেলিয়াকে কোনো সুযোগ না দিয়ে একের পর এক আক্রমণ চালিয়ে যায় বিশ্ব চ্যাম্পিয়নরা। এ সময় অস্ট্রেলিয়ান রক্ষণকে রীতিমতো ততস্থ করে রাখেন মেসিরা। ৫ মিনিটের মাথায় আর্জেন্টিনার প্রচেষ্টা অল্পের জন্য লক্ষ্যভ্রষ্ট হয়। ৯ মিনিটে মেসির শট সাইড নেটে লাগে। অস্ট্রেলিয়া দু'একবার



আক্রমণে যাওয়ার চেষ্টা করলেও আর্জেন্টিনার ডিফেন্ডারদের প্রেসিংয়ে আক্রমণগুলোকে পরিণতি দিতে পারছিল না তারা। অন্যদিকে দ্বিতীয় গোলে না পেলেও মাঝমাঝের দখল নিয়ে দারুণ পাসিংয়ে ম্যাচ নিজেদের নিয়ন্ত্রণ রাখে আর্জেন্টিনা। একের পর এক চেষ্টা চালিয়ে একাধিকবার কাছাকাছি গিয়েও নিরাশ হয় তারা। ম্যাচের প্রথম ২৫ মিনিটে আর্জেন্টিনার দখলে বল ছিল ৭৮ শতাংশ, বিপরীতে অস্ট্রেলিয়ার দখলে ছিল ২১ শতাংশ।

২৮ মিনিটে অবশ্য দারুণ একটু সুযোগ এসেছিল অস্ট্রেলিয়ার সামনে। জর্দান বসের কাছ থেকে ডিবল্লের বল পেয়ে কাছাকাছি জায়গা থেকে শট নেন মিসেল ডিউক। প্রথম প্রচেষ্টায় এমিলিয়ানো মার্ভিনেজ ঠেকানোর পরও বল ফিরে আসে পোস্টে লেগে। এরপর ঝাঁপিয়ে পড়ে ফের দলকে রক্ষা করেন মার্ভিনেজ। এরপর আরও উজ্জীবিত হয়ে লড়াই

চালিয়ে যায় অস্ট্রেলিয়া। এ সময় একাধিকবার আর্জেন্টাইন রক্ষণে তীতি সৃষ্টি করলেও গোল নামক সোনার হরিণটি অবশ্য পাওয়া হয়নি আর্জেন্টিনার। ৭৪ মিনিটে অভিষেক হয় আলেসান্দ্রো গারনাচোর। নিকোলাস গনসালেসের পরিবর্তে মাঠে নামেন এই ম্যানচেস্টার ইউনাইটেডে তরুণ। ম্যাচের ৭৮ মিনিটে যা দেখা গেল তার জন্যই ছিল যত অপেক্ষা। কয়েক সেকেন্ডের জন্য গোটা ওয়ার্কাস স্টেডিয়ামকে বেন মন্ত্রমুগ্ধ করে রেখেছেন মেসি।

ডিবলিং জাদুতে অস্ট্রেলিয়ান খেলোয়াড়দের বোকা বানিয়ে মাঝমাঝ পায় আর্জেন্টিনা। কিন্তু গোলকিপারের ডাবল সেইভে সে যাত্রায় বেঁচে যায় সকাররা। ৫৩ মিনিটে ফের কাছাকাছি গিয়ে গোলবঞ্চিত হয় আর্জেন্টিনা। তবে ৬৮ মিনিটে ভুল করেননি গেরমান পাৎসেয়া। দি পলের ক্রসে দারুণ এক হেডে বলকে জালের ঠিকানা দেখান পাৎসেয়া। ৭১ মিনিটে হুয়ান

আলভারেজের শট অস্ট্রেলিয়ান গোলরক্ষক দারুণভাবে ঠেকিয়ে দেওয়ায় তৃতীয় গোলেটি পাওয়া হয়নি আর্জেন্টিনার। ৭৪ মিনিটে অভিষেক হয় আলেসান্দ্রো গারনাচোর। নিকোলাস গনসালেসের পরিবর্তে মাঠে নামেন এই ম্যানচেস্টার ইউনাইটেডে তরুণ। ম্যাচের ৭৮ মিনিটে যা দেখা গেল তার জন্যই ছিল যত অপেক্ষা। কয়েক সেকেন্ডের জন্য গোটা ওয়ার্কাস স্টেডিয়ামকে বেন মন্ত্রমুগ্ধ করে রেখেছেন মেসি।

ডিবলিং জাদুতে অস্ট্রেলিয়ান খেলোয়াড়দের বোকা বানিয়ে মাঝমাঝ পায় আর্জেন্টিনা। কিন্তু গোলকিপারের ডাবল সেইভে সে যাত্রায় বেঁচে যায় সকাররা। ৫৩ মিনিটে ফের কাছাকাছি গিয়ে গোলবঞ্চিত হয় আর্জেন্টিনা। তবে ৬৮ মিনিটে ভুল করেননি গেরমান পাৎসেয়া। দি পলের ক্রসে দারুণ এক হেডে বলকে জালের ঠিকানা দেখান পাৎসেয়া। ৭১ মিনিটে হুয়ান

এক বলেই দুটি রিভিউ অশ্বিনের অদ্ভুত কাণ্ড!

লন্ডন : কী একটা সময়ই না পার করছেন রবিচন্দ্রন অশ্বিন! রয়ালিটির ১ নম্বর বোলার হয়েও টেস্ট চ্যাম্পিয়নশিপের ফাইনালে দলে জায়গা পাননি। একাদশে জায়গা না পাওয়া এই অশ্বিন ফাইনালের প্রতিদ্বন্দ্বী ছিলেন আলোচনার কেন্দ্রে। ওভালে ভিন্ন সেই অভিজ্ঞতার মুখোমুখি হওয়া অশ্বিন দেশে ফিরে ঘটিয়েছেন চমকপ্রদ এক কাণ্ড। অশ্বিনের সৌজন্যে দেখা গেছে এক বলেই দুটি রিভিউ! তামিলনাড়ু প্রিমিয়ার লিগের ম্যাচে গতকাল বৃহসবার এই ঘটনা ঘটিয়েছেন অশ্বিন। ভারত অস্ট্রেলিয়ার টেস্ট চ্যাম্পিয়নশিপের ফাইনাল শেষ হয়েছে ১১ জুন। লন্ডন থেকে অশ্বিন দেশে ফেরেন ১৩ জুন। নিজের শহর চেন্নাই থেকে অশ্বিন গতকাল কইম্বাটোরে ম্যাচের ভেনুতে পৌঁছান খেলা শুরুর খানিক আগে। শুধু একজন খেলোয়াড়ই নন, অশ্বিন তামিলনাড়ু প্রিমিয়ার লিগের দল দিল্লিগুলা ড্রাগনসের অধিনায়কও।

সেই ম্যাচের ১৩তম ওভারে দিল্লিগুলা ড্রাগনসের অধিনায়ক অশ্বিনের একটি ক্যারম বল ঠিকমতো খেলতে পারেননি ব্যাটসম্যান রাজকুমার। উইকেটের পেছনে বল গ্লাভসবন্দী করেন কিপার বাবা ইন্দ্রজিৎ। অন ফিল্ড আম্পায়ার কট বিহাইন্ডের সিদ্ধান্ত দেন। আম্পায়ারের সিদ্ধান্তে অসন্তুষ্ট ব্যাটসম্যান রাজকুমার রিভিউ নেন। রিভিউর টিভি রিপ্লে দেখে সেই সিদ্ধান্ত বদলে দেন তৃতীয় আম্পায়ার। এই আম্পায়ারের দাবি, আল্ট্রাএজএ বড স্পাইক ব্যাট টার্কে লাগার কারণে হয়েছে। 'ব্যাটবলের মধ্যে স্পষ্ট ফাঁক আছে' জানিয়ে মাঠের সিদ্ধান্ত বদলে দেন টিভি আম্পায়ার। অশ্বিন সেই সিদ্ধান্তে খুশি না হয়ে আবার রিভিউ নেন। তবে আবারও একই কারণ দেখিয়ে নিজের সিদ্ধান্ত বহাল রাখেন টিভি আম্পায়ার। এই সিদ্ধান্ত অবশ্য ম্যাচে খুব একটা প্রভাব ফেলেনি। ১২১ রান ত্যাগ অশ্বিনের দল জেতে ৬ উইকেটে। সেই ব্যাটসম্যান রাজকুমার করেন ২২ বলে ৩৯ রান। অশ্বিন নিয়েছেন ২৬ রানে ২ উইকেট।

তবে ম্যাচসেরা হয়েছে ৩ উইকেট নেওয়া বরণ চক্রবর্তী। কেন আম্পায়ারের সিদ্ধান্তের রিভিউ নিয়েছেন অশ্বিন, ম্যাচ শেষে সেই ব্যাখ্যাও দিয়েছেন। ভারতীয় এই স্পিনার বলেছেন, 'বড পর্দায় দেখে আমার এটাকে আউট মনে হয়েছিল। এই টুর্নামেন্টে ডিআরএস নতুন চালু হয়েছে। ব্যাটে বল লাগলেও সাধারণত স্পাইক (আল্ট্রাএজএ) ফুটে ওঠে ব্যাটে স্পর্শ করার ঠিক আগে। মাঠের সিদ্ধান্ত বদলে দেওয়ার জন্য তো স্পষ্ট প্রমাণ লাগবে। তারা সেটি বদলে দেওয়ায় আমি কিছুটা অসন্তুষ্ট ছিলাম। এ জন্য রিভিউ নিয়েছিলাম। মনে করেছিলাম, তারা হয়তো অন্য কোণ থেকেও দেখতে পারবে।' এটি তামিলনাড়ু প্রিমিয়ার লিগের সপ্তম আসর। তবে এবারই প্রথম ডিআরএস, আল্ট্রাএজ, ইমপ্যাক্ট ক্রিকেটারের নিয়ম চালু হয়েছে।



Compra Ahora
www.indiyafashion.com

indiyafashion
The best online to world online

Nuevas colecciones
• Ropa India y Accesorios • Vestido Superior
• Faldas, Partalon Cubieratade couison, Zapatos,
Lámpara • Bolso/Cartera Y otros Accesorios
.....y muchos más

Akki Media y Ropa India spa
IMPORTADORA

IMPORTACION/VENTA DE ROPA INDIA Y ACCESORIOS
SALVADOR SANFUENTES # 2647, MALL PLAZA LILA MALL, LOCAL No. 201
Fono :- 932938142, WhatsApp : +91 9958950095
https://www.facebook.com/INDIYAFASHION

IMPORTACIÓN DIRECTA DE INDIA
ELIJA SU ESTILO

RASIKA
Clothing Line
Made in India

ভারতের সঙ্গে সীমান্ত বিরোধ মেটাতে বাংলাদেশ অবধি করিডোরের কথা কেন ভাবছে নেগাল?

টুকরো খবর

মার্কিন কংগ্রেসম্যান বা ইউইট এমপিদের চিঠি সরকারের জন্য কতটা উদ্বেগের?

কাঠমাণ্ডু (ওয়েবডেস্ক): নেপাল থেকে সরাসরি বাংলাদেশ সীমান্ত পর্যন্ত একটি করিডোরের জন্য জমি যদি ভারত নেপালকে হস্তান্তর করে, তাহলে নেপালও ভারতকে ৩১০ বর্গ কিলোমিটার এলাকা হস্তান্তর করতে পারে। নেপাল-ভারত সীমান্ত বিবাদ মেটাতে এরকমই একটা বিকল্পের কথা সামনে এসেছে।

এখন ভারতের ভূখণ্ড দিয়েই নেপাল আর বাংলাদেশের মধ্যে পণ্য চলাচল করে। তবে নেপাল চাইছে 'চিকেন নেক' বলে পরিচিত ভারতের ওই এলাকা যদি নেপালকে হস্তান্তর করে দেওয়া হয়, তাহলে তারাও পশ্চিম নেপালের যেসব এলাকা নিয়ে তাদের সঙ্গে ভারতের বিরোধ আছে, সেই অঞ্চলও ভারতকে দিয়ে দিতে পারে। নেপালের প্রধানমন্ত্রী প্রচণ্ডার সাম্প্রতিক ভারত সফরের পরে দুই দেশের সীমান্ত বিরোধ মেটাতে এরকমই একটা বিকল্পের কথা ভাবছেন নেপালি বিশেষজ্ঞরা।

সম্প্রতি ভারত সফরে আসা নেপালের প্রধানমন্ত্রী পুপ কমল দহল প্রচণ্ডা বলেছেন, তার দেশ শুরু থেকেই বাংলাদেশে সরাসরি একটি রুট চায়। নেপালে ফিরে আসার পর, প্রচণ্ডা বলেছিলেন যে তিনি নেপালি সীমান্ত বিশেষজ্ঞদের সঙ্গে বেশ কয়েকটি বিকল্প নিয়ে আলোচনা করেছেন কিন্তু তার পক্ষ থেকে কোনও সুনির্দিষ্ট প্রস্তাব দেননি। নেপালের সীমান্ত বিশেষজ্ঞ বৃধিনারায়ণ শ্রেষ্ঠা বলেন, কালাপানি এলাকা নিয়ে ভারত ও নেপালের মধ্যে বিরোধ গত ছয় দশক ধরে চলে আসছে। তার কথায়, যে মানচিত্র নিয়ে ভারত ও নেপালের মধ্যে বিরোধ, তার সমাধানের একটা উপায় হতে পারে আন্তর্জাতিক রীতি মেনে এলাকা বিনিময় করা। লিপুলেখকে সীমান্ত নদী হিসাবে বিবেচনা করে উত্তর ও পশ্চিমাঞ্চলের ৩১০ বর্গকিলোমিটার জমি ভারতের জন্য ছেড়ে দেওয়া যেতে পারে। আবার ভারতের কাছ থেকে পূর্ব দিকের ৩১০ বর্গকিলোমিটার জমি নিয়ে একটি করিডোর করা যেতে পারে, যাতে পূর্ব নেপালের কাকরভিটা সীমান্ত থেকে সরাসরি বাংলাদেশের বাংলাবান্ধা সীমান্ত পর্যন্ত পৌঁছানো যায়।

ভারতীয় বিশেষজ্ঞরা বলছেন যে এটি একটি গুরুতর সমস্যা এবং ভারত বিশ্বাস করে যে তারা এমন কোনও পদক্ষেপ নেবে না যাতে চীনের সঙ্গে ভারতের বর্তমান উত্তেজনার পরিপ্রেক্ষিতে তাদের নিজেদের স্বার্থ ক্ষুণ্ণ হয়। অবসরপ্রাপ্ত ভারতীয় সেনাবাহিনীর মেজর জেনারেল এস বি আস্থানা বলেছেন, এই সমস্যায় সমাধানের জন্য সঠিক সময় নয় এটা। আমরা অন্যান্য অনেক সমস্যার সঙ্গে লড়াই করছি। ভারত ও চীনা সেনারা বেশ কিছুদিন ধরে প্রকৃত নিয়ন্ত্রণ রেখা বরাবর মুখোমুখি অবস্থান করছে।

নেপালের প্রধানমন্ত্রী প্রচণ্ডা মনে করেন, ভূমি বিনিময়ের মাধ্যমে ভারতের সঙ্গে নেপালের সীমান্ত বিরোধ নিষ্পত্তি করা সম্ভব। তবে ভারতের সামরিক বিশেষজ্ঞরা বলছেন যে তাদের মনে হয় না যে এখনই কোনও বিকল্প নিয়ে আদে। আলোচনা করা হচ্ছে। তা সত্ত্বেও, তাদের মতে, প্রচণ্ডা ও নরেন্দ্র মোদীর মধ্যে বৈঠকে দেওয়া প্রতিশ্রুতির ভিত্তিতে যদি দুই দেশের মধ্যে সীমান্ত বিরোধ মেটানোর কোনও ব্যবস্থাপনা কাজ শুরু করে, তা হবে বিরাট সাফল্য। ভারতের প্রধানমন্ত্রী নরেন্দ্র মোদী প্রচণ্ডার সঙ্গে দেখা করার পর বলেছিলেন যে এই বৈঠক ভারত ও নেপালের মধ্যে সম্পর্ককে হিমালয়ের উচ্চতায় নিয়ে যাবে এবং দুই দেশের মধ্যে সীমান্ত বিরোধ তাদের জনগণের অনুভূতির ভিত্তিতে সমাধান করা হবে।

নেপালি সাংবাদিকদের সাথে কথা বলার সময়, প্রচণ্ডা বলেছিলেন যে ভারত ও নেপালের মধ্যে সীমান্ত বিরোধ সমাধানের জন্য অন্যান্য বিকল্প পথ খোঁজা যেতে পারে। কালাপানি এলাকার মালিকানা নিয়ে নেপাল ও ভারতের মধ্যে দীর্ঘদিনের বিরোধ রয়েছে। নেপাল ও ভারতের মধ্যে ১৮১৬ সালে সুগৌলি চুক্তি স্বাক্ষরিত হয়েছিল। এর আওতায় মহাকালী নদীকে ভারত ও নেপালের সীমান্ত হিসেবে বিবেচনা করা হতো। দীর্ঘদিন ধরে এর উৎস নিয়ে দুই দেশের মধ্যে বিরোধ চলে আসছে। নেপালের কর্মকর্তারা বলছেন, ভারতের স্বাধীনতার পর বেশ কিছু বছর কালাপানি এলাকা নেপালের অধীনে ছিল। স্থানীয় জনগণ নেপাল



সরকারকে রাজস্ব দিতেন, তাদের কাছে এর প্রমাণও রয়েছে। ভারতীয় বাহিনীকে সেখানে অস্থায়ীভাবে থাকার অনুমতি দেওয়া হয়েছিল।

২০১৯ সালে ভারত শাসিত কাশ্মীরের বিশেষ মর্যাদা প্রত্যাহার করার সময়ে যে নতুন মানচিত্র প্রকাশ করে ভারত, সেখানে কালাপানিকে ভারতীয় ভূখণ্ডে দেখানো হয়েছিল। এর প্রতিফলিত নেপাল তার রাজনৈতিক ও প্রশাসনিক মানচিত্রে কালাপানি, লিপুলেখ এবং লিশিয়ারাধুরাকে তাদের নিজেদের অঞ্চল হিসাবে দেখিয়েছিল। ভারতীয় সেনাবাহিনীর অবসরপ্রাপ্ত মেজর জেনারেল এসবি আস্থানার মতে, ভারতের কাছে এই অঞ্চলটির কৌশলগত গুরুত্ব অপরিসীমা। এটি চীনের সীমান্তের কাছে অবস্থিত লিপুলেখ গিরিপথ আর কৈলাস মানস সরোবরের সংযোগকারী রাস্তার সঙ্গে যোগাযোগের পথ।

তিনি বলেন, ভারত ও নেপাল উভয়েরই নিজস্ব যুক্তি রয়েছে। আমি বিশ্বাস করি নেপালের উদ্বেগগুলো নিঃসন্দেহে গুরুত্বপূর্ণ এবং সেগুলি গুরুত্ব সহকারে বিবেচনা করা উচিত। ভারতকেও অনেক ভাবতে হবে। কারণ প্রকৃত নিয়ন্ত্রণ রেখার ওপারেই চীনা সেনারা অবস্থান করছে। ভারতীয় সেনাবাহিনীর আরেক অবসরপ্রাপ্ত জেনারেল অশোক মেহতা, যিনি নেপাল-ভারত সম্পর্কের উপর নজর রাখেন, তিনি মনে করেন যে উভয় পক্ষই এই সীমান্ত বিরোধ সমাধান করতে আলোচনা চালানোর যে প্রতিশ্রুতি দিয়েছে, তা খুবই ইতিবাচক। কিন্তু সম্ভাব্য দর কষাকষি সহজ হবে না। এ নিয়ে যথেষ্ট জটিলতা রয়েছে।

তিনি বলেন, নেপাল একতরফা ভাবে বিতর্কিত এলাকাগুলিকে মানচিত্রে অন্তর্ভুক্ত করে সংবিধান পরিবর্তন করেছে। কিন্তু এই জমি ভারতের দখলে রয়েছে। এখন এটি একটি 'নিরপেক্ষ' এলাকার বদলে অনেকটা যেন কাশ্মীরের মতো পরিস্থিতি তৈরি করে দিয়েছে। তাই কোথা থেকে আলোচনাটা শুরু হবে, সেটা বড় প্রশ্ন, বলছিলেন জেনারেল মেহতা।

২০১৯ সালে ক্ষমতায় আসার পর ভারতের প্রধানমন্ত্রী নরেন্দ্র মোদী যখন প্রথমবারের মতো কাঠমাণ্ডু সফর করেছিলেন, তখনই বলা হয়েছিল যে কালাপানি এবং লালাখের আলছি এলাকা নিয়ে যেসব বিরোধ আছে, তা নিয়ে বিদেশ সচিব পর্যায়ের আলোচনায় সমাধান বার করা হবে। কিন্তু এই উদ্দেশ্যে একটি বৈঠকও হয়নি। নেপালের কয়েকজন কর্মকর্তা বলেন, মানচিত্র নিয়ে বিরোধ অব্যাহত থাকলেও সীমান্ত ব্যবস্থাপনার প্রযুক্তিগত কাজও খুবই ধীরগতিতে চলছে।

যৌথ সংবাদ সম্মেলনে সীমান্ত বিরোধ নিয়ে প্রচণ্ডা ও নরেন্দ্র মোদী

দুজনেই কিছুটা আলোচনা করেন। কিন্তু ভারতের দেওয়া ২৪ দফা প্রেস বিজ্ঞপ্তিতে এর কোনও উল্লেখ ছিল না। আবার জমি হস্তান্তর নিয়ে নেপালে যে বিতর্ক চলছে, তা নিয়েও ভারতের পক্ষ থেকে কোনও আনুষ্ঠানিক মতামত দেওয়া হয়নি। মি. আস্থানা বলেন, বাংলাদেশের সঙ্গে নেপালের সংযোগকারী সড়কটি শিলিগুড়ি করিডোরের কাছাকাছি এবং এটি ভারতের জন্য খুবই গুরুত্বপূর্ণ। এ কারণে ভারত কখনই এ নিয়ে আপোষ করবে না।

এই করিডোরকে চিকেন নেকও বলা হয়। এই এলাকা মাত্র ১৭ কিলোমিটার চওড়া। এটি পশ্চিমবঙ্গকে উত্তরপূর্বের রাজ্যগুলির সঙ্গে যুক্ত করেছে। এটি নেপাল, বাংলাদেশ ও ভূটান - তিনটি দেশের সীমান্তেরই খুব কাছ। আবার উত্তরপূর্ব ভারতের সঙ্গে বাকি দেশের সংযোগ রক্ষা করে এই অংশটিই। তাই একে উত্তরপূর্বের জীবনরেখাও বলা হয়। এই এলাকার রেলওয়ে নেটওয়ার্ক ভারতীয় সেনাবাহিনীকে ভারতচীন সীমান্তের কাছে প্রকৃত নিয়ন্ত্রণ রেখা পর্যন্ত পৌঁছাতে সাহায্য করে।

জেনারেল আস্থানা বলেছেন, কোন সন্দেহ নেই যে শিলিগুড়ি করিডোর ভারতের জন্য ব্যাপক গুরুত্বপূর্ণ। তাই এটা নিয়ে ভারত আপোষ করবে না।

মি. আস্থানা বলেন, আমরা শুধু ভারতীয় ভূখণ্ডে চীনা সেনাদের থামাইনি। আমরা ভূটানের ভূখণ্ডে পৌঁছিয়ে গিয়েছিলাম। বুঝতেই পারছেন ভারত এই এলাকার ভৌগোলিক অবস্থানকে কতটা গুরুত্বের সঙ্গে দেখে।

তিনি বলেন, এই করিডোর নিয়ে যেকোনো ধরনের চুক্তি হলে তা হবে ভারতকে দুই ভাগে ভাগ করার মতো। কারণ উত্তরপূর্বের সঙ্গে ভারতের যোগাযোগের এটাই একমাত্র পথ।

কাকরভিটা ফুলবাড়ি-বাংলাদেশ ট্রানজিট রুট সম্পর্কে নেপাল ও বাংলাদেশের মধ্যে একটি চুক্তি স্বাক্ষরিত হয় ১৯৯৭ সালে। এরপর বাংলাদেশ নেপালকে মংলা ও চট্টগ্রাম বন্দর ব্যবহারের অনুমতি দেয়।

জেনারেল মেহতা বলেছেন যে শিলিগুড়ি করিডোরের কৌশলগত গুরুত্ব সম্পর্কে ভারতের সবাই জানে।

তিনি আরও বলছিলেন যে নেপালের প্রধানমন্ত্রী এই বার্তা দিয়েছেন যে তিনি সীমান্ত ইস্যুতে কোনও চাপের মুখে পড়েন নি। তিনি উদ্বিগ্ন দিচ্ছেন যে, তারা ভারতের সঙ্গে সীমান্ত বিরোধ নিয়ে আলোচনা শুরু করেছে।

আমার মনে হয় যে পররাষ্ট্র সচিবদের মধ্যে আলোচনা শুরু হতে পারে। অন্তত মানুষ বুঝবে যে আলাপ আলোচনা শুরু হয়েছে। তবে আমার মনে হয় না যে আলোচনাটা খুব সহজ হবে, মন্তব্য জেনারেল মেহতার।

ঢাকা (ওয়েবডেস্ক): বাংলাদেশের আগামী নির্বাচন 'নিরপেক্ষ তত্ত্বাবধায়ক সরকারের অধীনে আবাধ, সুষ্ঠু এবং পক্ষপাতহীন অনুষ্ঠানের জন্য ভূমিকা রাখতে' ইউরোপীয় পার্লামেন্টের ভাইস প্রেসিডেন্টের কাছে সোমবার চিঠি পাঠিয়েছেন ছয়জন এমপি। একই দিন আরেক চিঠিতে যুক্তরাষ্ট্র 'ভিত্তিক মানবাধিকার সংস্থা' হিউম্যান রাইটস ওয়াচ জাতিসংঘের প্রতি আহ্বান জানিয়েছে যেন জাতিসংঘের শান্তি রক্ষা মিশনে বাংলাদেশের নিরাপত্তা বাহিনীর সদস্যদের নিষাণের ক্ষেত্রে তাদের মানবাধিকার রেকর্ড যাচাইবাছাই করা হয়। এ মাসের শুরুতেই যুক্তরাষ্ট্রের কংগ্রেসের কয়েকজন সদস্যও এরকম দাবি তুলে প্রেসিডেন্টের কাছে একটি চিঠি দিয়েছেন। সেখানে বাংলাদেশ সরকার কর্তৃক 'মানবাধিকার লঙ্ঘন বন্ধে' এবং 'জনগণকে আবাধ ও সুষ্ঠু নির্বাচনে অংশ নেয়ার সুযোগ করে দিতে' উদ্যোগ নেয়ার জন্য মার্কিন প্রেসিডেন্টকে আহ্বান জানানো হয়েছে। এসব বক্তব্য আসছে এমন সময়, যখন বাংলাদেশের জাতীয় নির্বাচন ঘনিয়ে আসছে। কিন্তু গত দুইটি



সাধারণ নির্বাচনের অভিজ্ঞতার আলোকে ওই নির্বাচন আবাধ ও সুষ্ঠু হবে কিনা, তা নিয়ে সংশয় রয়েছে বিভিন্ন মহলে। এই বছরের শেষ নাগাদ বা সামনের বছরের শুরুতে বাংলাদেশের যে জাতীয় নির্বাচন হওয়ার কথা রয়েছে, সেই সময়ের সরকার ব্যবস্থা নিয়ে মতবিরোধ রয়েছে ক্ষমতাসীন দল এবং বিরোধীদের মধ্যে। নিরপেক্ষ সরকার ছাড়া নির্বাচনে না যাওয়ার ঘোষণা দিয়েছেন প্রধান বিরোধী দল বিএনপি। ইউরোপীয় ইউনিয়ন, মার্কিন কংগ্রেসম্যান বা হিউম্যান রাইটস ওয়াচের চিঠি সরকারের জন্য কতটা উদ্বেগের?

বাংলাদেশের জাতীয় নির্বাচন ঘিরে বিভিন্ন সময়ে বিদেশি আইন প্রণেতার বা কূটনৈতিকরা মন্তব্য করলেও সম্প্রতি সেই প্রবণতা অনেক তীব্র হয়েছে। যুক্তরাষ্ট্র, জাপানসহ একাধিক দেশের কূটনীতিকরা বাংলাদেশের নির্বাচন নিয়ে তাদের উদ্বেগ প্রকাশ করেছেন। যুক্তরাষ্ট্র পরিষদরাভায়ে জানিয়ে দিয়েছে, বাংলাদেশের নির্বাচনের দিকে সারা বিশ্ব তাকিয়ে রয়েছে। মার্কিন পররাষ্ট্রমন্ত্রী অ্যান্টনি ব্লিন্কেন বলেছেন, 'বাংলাদেশের পরবর্তী নির্বাচন যাতে আবাধ ও সুষ্ঠু হয়, সেজন্য আমরা তো অবশ্যই, সারা বিশ্ব তাকিয়ে আছে। এর একমাস পরেই যুক্তরাষ্ট্রের প্রেসিডেন্ট জো বাইডেনের কাছে চিঠি পাঠিয়েছিলেন ছয় কংগ্রেসম্যান।

কূটনীতি বিশ্লেষকরা বলছেন, কংগ্রেসম্যান বা পার্লামেন্ট সদস্যদের এ ধরনের চিঠিতে তাৎক্ষণিকভাবে কোন কফারল দেখা না গেলেও এসব চিঠি খতিয়ে দেখার জন্য সেসব দেশের সরকারের ওপর চাপ তৈরি হয়। ফলে তারা নানারকম ব্যবস্থা নিতে বাধ্য হয়। সাবেক পররাষ্ট্র সচিব তৌহিদ হোসেন বলেন, 'বাংলাদেশের সরকারের নিঃসন্দেহে উদ্বিগ্ন হওয়ার মতো বিষয় আছে। যদিও তারা ভাব দেখাচ্ছেন যে, এতে তাদের কিছু আসে যায় না, এরকম চিঠিই আসে। কিন্তু উদ্বেগ না থাকলে যে দৌড়মাঁপ আমরা দেখেছি, তা দেখা যেতো না।' তিনি মনে করেন, ছয়জন মার্কিন কংগ্রেস সদস্য বা ইউরোপীয় পার্লামেন্টের ছয় এমপি হস্তান্তে সেখানকার সরকারের কেউ নন। কিন্তু ওসব দেশের সরকার ব্যবস্থা এমন যে, পার্লামেন্ট সদস্যরা কোন বিষয়ে প্রশ্ন তুললে বা উদ্বেগ জানালে সরকার বা সংস্থা সরাসরি এড়িয়ে যেতে পারে না। ফলে তাদের ওপরেও একটা চাপ তৈরি হয়। যুক্তরাষ্ট্রে বাংলাদেশের সাবেক রাষ্ট্রদূত হুমায়ুন কবির বলেছেন, "ইউরোপীয় সমাজ বলেন বা মার্কিনীদের সমাজ বলেন, সেখানে গর্ভন্যাসকে নীতির সাথে সম্পৃক্ত রাখে। সেখানে একটা ভয়েজও যদি যুক্তিসঙ্গত হয়, তাহলে সেটা শোনা হয়। সুতরাং বিষয়টা কতটা বন্থনিষ্ঠ, তার ওপরে নির্ভর করে তাদের কথাগুলো রাষ্ট্রের শীর্ষ পর্যায়ে কতটা শোনা হবে।"

ক্ষমতাসীন আওয়ামী লীগ সরকার বা নেতারা দৃশ্যত এসব চিঠি বা উদ্বেগ প্রকাশকে খুব একটা আমলে নিচ্ছেন না বলে বক্তব্য দিয়েছেন। মার্কিন কংগ্রেসম্যানদের চিঠির এক প্রতিফলিত বাংলাদেশের পররাষ্ট্রমন্ত্রী শাহরিয়ার আলম বলেছেন, চিঠিতে অতিরঞ্জিত ও অসঙ্গত রয়েছে। তিনি বলেছেন, "এরকম চিঠি অতীতেও এসেছে, ভবিষ্যতে আরও বড় আকারে আসতে পারে। নির্বাচন যত ঘনিয়ে আসবে এই ধরনের কার্যক্রম তত বাড়তে থাকবে।" প্রতিমন্ত্রী বলেন, "বিদেশে কারো কাছে ধর্না দিয়ে বা কারো চাপে পড়ে বা কারো সঙ্গে সম্পর্ক শেষ পর্যন্ত ধরে রাখতেই হবে এরকম কোনও নীতির প্রতি অগ্রসর হয়ে বাংলাদেশের মানুষকে পেছনে ফেলে দেওয়ার নীতিতে আওয়ামী লীগ বিশ্বাস করে না।" তবে যে মার্কিন সদস্যরা এই চিঠি পাঠিয়েছেন, তাদের সঙ্গে বাংলাদেশের কর্মকর্তারা কথা বলবেন বলেও তিনি জানিয়েছেন। তাদের বাংলাদেশের অবস্থান সম্পর্কে নিয়মিত জানানো হবে বলে তিনি জানিয়েছেন। আওয়ামী লীগের নেতারা মনে করেন, বাংলাদেশের বিরোধী দলগুলোর তদবিরের কারণেই বিদেশে বাংলাদেশের নির্বাচন নিয়ে এসব আলোচনা বা চিঠি পাঠানো হচ্ছে। ফলে এসব বক্তব্য তারা আমলে নিতে চান না। আওয়ামী লীগের যুগ্ম সাধারণ সম্পাদক মাহবুব উল আলম হানিফ বিবিসি বাংলাকে বলেন, "বিএনপি জামায়াত এই সরকারের বিরুদ্ধে ২০১৬ সালের যুদ্ধাপরাধীদের রায় হওয়ার পর থেকেই লবিংস্ট নিয়োগ করে সরকারের বিরুদ্ধে নানান ধরনের মিথ্যাচার করে আসছে। যদি অর্থের বিনিময়ে কোথাও কোন ব্যক্তি বিবৃতি দেয়, সেটা নিয়ে আমাদের কি এখানে আমলে নেয়ার কি কোন প্রয়োজন আছে?" আওয়ামী লীগের নেতারা যাই বলুক, এসব বক্তব্য যে তাদের মধ্যে একটা উদ্বেগ তৈরি করছে। এ কারণেই কর্মকর্তাদের ওপর মার্কিন নিষেধাজ্ঞা প্রত্যাহারে নানারকম তদবির বা চেষ্টা করা হয়েছে। ভিসা কড়াকড়ি নিয়েও ক্ষোভ প্রকাশ করেছেন কোন কোন নেতা। বাংলাদেশের গণমাধ্যমের খবরে বলা হয়েছে, নির্বাচন নিয়ে যুক্তরাষ্ট্রের উদ্বেগ নিরসনে বাংলাদেশের তরফ থেকে একাধিকবার আশ্বস্ত করার চেষ্টা করা হয়েছে। সাবেক রাষ্ট্রদূত হুমায়ুন কবির বলেছেন, "বিষয়গুলো নিশ্চয়ই আমাদের জন্য চিন্তার কারণ, কারণ আন্তর্জাতিক পরিমণ্ডলে আমাদের যে ভাবমূর্তি আছে, এগুলো তার সাথে সম্পর্কিত, অর্থনীতির সাথেও সম্পর্কিত।" যদিও নির্বাচনের এখানে ছয় থেকে সাত মাস বাকি আছে। কিন্তু তার আগে বিভিন্ন দেশ থেকে একটার পর একটা উদ্বেগ জানানো হচ্ছে, কর্মকর্তাদের ওপর নিষেধাজ্ঞার পর ভিসা নিয়ে কড়াকড়ির মতো পদক্ষেপ দেখা যাচ্ছে। সাবেক পররাষ্ট্র সচিব তৌহিদ হোসেন বলেন, "এসব উদ্যোগের ফলে অনেকেই ব্যক্তিগতভাবে উদ্বিগ্ন হয়ে উঠতে পারেন। কারণ বেশিরভাগ নিষেধাজ্ঞা আসবে ব্যক্তির ওপরে। ফলে যারাই নির্বাচন সংশ্লিষ্ট ব্যবস্থাপনায় জড়িত থাকবে, তারা খানিকটা চিন্তায় থাকবেন যে, সেখানে কোন উল্টাপাল্টা কিছু হলে তাদের সমস্যা হবে কিনা।"



indi fashion
-Es todo sobre la moda india-

CAMBIA TU ESTILO DE VIDA

CON NUEVA TENDENCIA



IMPORTACIÓN DIRECTA DE INDIA



Envolver Las Faldas



Blusas, Top y Camisa



Vestidos, Completo, Corto y Superior



Falda y Pantalones

COMPRA AHORA www.indiyfashion.com





NUEVAS COLECCIONES

- Ropa India y Accesorios
- Vestido, Vestido Superior
- Faldas, Partalon
- Cubieratare couison, Zapatos, Lámpara
- Bolso/Cartera Y otros Accesorios

.....y muchos más

Akki Media y Ropa India spa

IMPORTADORA

IMPORTACION/VENTA DE ROPA INDIA Y ACCESORIOS

SALVADOR SANFUENTES # 2647, WALL PLAZA LILA MALL, LOCAL No. 201

Fono :- 932930142, WhatsApp :- +91 9958050095

<https://www.facebook.com/INDIYFASHION/>

